

041
6185
:7



山堂肆考君道第三十七卷

○官制

伏羲以龍紀官。神農以火紀官。軒轅以雲紀官。少昊以鳥紀官。顓頊以來不能紀遠。乃紀於近為民師。而命以民事。唐虞稽古。建官惟賢。夏商官倍。亦克用乂。至周而增為三百六十屬。

九官之首

唐虞水土未平。故以司空為九官之首。

六卿之末

成周功成治定。故以司空居六卿之末。

分禮樂

唐王中

卷三十七

唐虞分禮樂為二官。而合兵刑為一官。

分兵刑

成周分兵刑為二官。而合禮樂為一官。

漢制

漢以大司馬至散騎為中朝官。以丞相至六百石為外朝官。太師太傅太保為三公。丞相御史大夫太尉為三公。至光武中興。又以太尉司徒司空為三公。京兆尹左馮翊右扶風為三輔。太常光祿衛尉太僕廷尉鴻臚宗正大司農少府為九卿。

唐制

唐以太尉司徒司空為三公。尚書門下中書秘書省殿中

內侍為六省。六曹為六部。九卿為九寺。次將作監。次國子學。次天策上將府。次左右衛。至左右領衛為十四衛。東宮置三師三少詹事。及兩坊三寺。十率府王公置府佐國官。公主置邑司。茲為京職事官。州縣置鎮戍為外職事官。自開府儀同三司。至將事郎二十八階。為文散官。驃騎大將軍。至陪戎副尉二十一階。為武散官。上柱國至武騎尉十二等。為勳官。

宋制

宋初以文臣知州事。以常參官知縣事。諸路置轉運總天下之利權。諸州置通判統軍民之政事。慮部吏之舞文也。則審刑有院焉。防考課之不嚴也。則審官有院焉。三公三

司有其爵。兩府兩制有其職。六部與九寺。茲建。四省與三省。茲設。罷檢點而任樞密。置二院而重御史。其制亦云備矣。然議者謂三省無專職。臺省寺監無定員。三省長官不預朝政。六曹不釐本務。給舍不領本職。諫議無言責。起居不記注。致使仕者以登臺閣。升禁從為顯官。而不以官之遲速為榮滯。以差遣要劇為貴途。而不以階勳爵邑有無為輕重。至元豐三年。始置詳定官制局于中書。命翰林學士張璪樞密副使承旨張誠一領之。凡舊領空名者。一切罷去。而易之以階。因以寄祿。各寄祿格。徽宗政和中。蔡京率意自用。更定官名。以至走馬承受。升擁使節。黃官道流。亦濫朝品。元豐之政。至此大壞。

璪音早

元制

蒙古主忽必烈既立。大新制作。命劉秉忠許衡酌古今之宜。定內外官制。其總政務者曰中書省。秉兵柄者曰樞密院。司黜陟者曰御史臺。其次內則有寺監院司衛府。外則有行省行臺宣慰廉訪。其牧民則有路府州縣。官有常職位。有常祿。其長則蒙古人為之。而漢人南人貳焉。於是代之制始備。按蒙古至宋度宗咸淳七年。始改國號曰元。取易乾元之義。從太保劉秉忠請也。

周王畿官員 已下官員數目

二千六百四十二員。出職官分紀。

周侯國官員

六萬一千三十二員。

西漢官員

自丞相至佐史十三萬二百八十員。

東漢官員

七千五百六十七員。

晉官員

六千八百二十六員。

隋官員

一萬二千五百六十七員。

唐官員

內二千六百一十員。外郡縣一萬六千二百八十五員。

宋官員

景德中一萬餘員。皇祐二萬餘員。幕職州縣官三千三百餘員。又南豐集。宋初以來供奉官左右班殿直為三班官。又有殿前承旨班院。端拱以後分東西供奉。又置左右侍禁及承旨。初三班官員止于三百。至天禧中乃總四千三百。熙寧中乃總一萬一千六百九十。宗室又八百七十員。

輿衛

天子行幸則有車駕羽衛以從也。

牙門

宋朝會要。古者天子出行。建大牙。今制錯綵為神人象。中道前後各一。左右道五門。門二旗。蓋取周制立旌表門及

天子五門之制。

鹵簿

次轂子車駕行。羽儀導護謂之鹵簿。自秦漢始有其名。東
楯音賢漢胡廣作天子出行鹵。鹵大楯也。所以扞敵。其部伍之次
皆著之簿。故云鹵簿。然儀具五兵。獨以楯為名者。行道之
時。甲楯居外。餘兵在內。故獨言鹵。又五禮精義。鹵大楯也。
以楯領一部之人。故名鹵簿。

法座

宋沈括筆談。正衙法座。以香木為之。加金飾。四足墮角。其
前小偃。織藤冒之。每車駕出幸。則使老內臣馬上抱之。曰
駕頭法座。正坐也。猶言法心。法駕也。

法駕

胡廣漢制度。天子有大駕。法駕。小駕。大駕。則公卿奉引。大
將軍駮乘。太僕御。屬車八十一乘。法駕。公卿不在鹵簿。唯
河南尹執金吾。及洛陽令奉引。侍中駮乘。奉車。即御。屬車
四十六乘。小駕。太僕奉引。侍御史整車騎也。按屬車。古者
諸侯貳車九乘。秦滅九國。兼其車服。故大駕屬車八十一
乘。法駕半之。

斑劍

宋會要。斑劍。本漢朝服帶劍也。取五色斑斕之義。開元禮
儀纂。漢制朝服帶劍。晉代之以木。謂之斑劍。齊宋謂之象
劍。

儀刀

二儀寶錄儀刀所以備威儀即衙刀也自東晉多虞遂以
木代之以備威儀宋會要以銀飾之王公亦給又曰儀鐙
鐙屬也秦漢有之唐用為儀仗古今注秦改鐵鉞作鐙

警蹕

漢梁孝王為寶太后少子愛之得賜天子旌旗從千乘萬
騎出稱警入稱蹕師古注警者戒肅也蹕止行人也言出
入者互文耳出亦有蹕漢儀注皇帝輦動左右侍帷幄者
稱警出殿則傳蹕止人清道也

鑾和

說文人君乘車馱馬鑾八鑾鈴聲象鸞鳥聲動則鑾鳴以

應行節古今注五輅衡上金雀者朱鳥也口銜鈴謂之鑾
郭璞曰鈴在軌曰鑾在軾曰和

勘箭

筆譚大駕鹵簿中有勘箭如古之契勘也其牡謂之雄牡
箭北謂之關伏箭本胡法也熙寧中罷之

爆稍

宋會要爆擊聲也一云象爆牛舊闢唐金吾將軍執之今
制如節加碧油

黃屋

見前馭夷賜越王書注

皂纛

爆稍音
剝朔

六典後魏有纛頭宋有皂纛亦本後魏制也。

雉尾扇

雉音始商高宗有雉雉之祥章服多用翟羽周王后夫人有雉羽扇漢乘輿用之宋孝武詔王侯郵扇不得用雉尾。

虎皮軒

通典漢制以虎皮為軒宋會要漢前驅車也取曲禮前有士師則載虎皮之義。

豹尾

通典漢制大駕出尚書御史所載最後一車懸豹尾唐貞觀後始加此車于鹵簿內。

鷓鴣翅

隋禮儀志輅虞氏謂之鸞車。太后謂之車輅。商謂之大輅。周謂之乘輅。周人初制五輅。金玉象革以飾諸末。木無飾。後漢加檣文。晉兩廂加鷓鴣翅。亦謂之鷓鴣車。

駕六馬

逸禮王度記曰天子駕六馬。史記曰秦并天下自以水德故始駕六馬。按夏書五子之歌曰若朽索之御六馬則駕六之制夏后已然非自秦始皇起也。

設五牛

通典東晉過江副車遺缺有事權以馬車代之建旗于上。後制五色木牛立旗于背行則使人輿之牛取負重致遠而安旗取常纏而不舒晉輿服志五牛旗平吳後所造以

檣音巨

五牛建旗。東設五牛。青赤在左。黃在中。白黑在右。周遷輿服雜事。亦云晉平吳後造。非過江時始為也。

鸞旗

賈捐之傳。鸞旗在前。屬車在後。注云。鸞旗。編以羽毛。列繫幢旁。載以車上。大駕出。則陳于道而先行。屬車相連屬而陳于後也。鸞旗一名雞翹。

鳳輦

唐制輦有七。一曰大鳳輦。

象車

西京雜記。漢朝輿駕。有象車。鼓吹十三人引道。晉輿服志。象車。漢鹵簿最在前。通典。晉武帝太康中。平吳。南越獻馴

象。詔作大車駕之。使越人騎之。大駕鹵簿行。則試橋梁。宋朝象亦居先。

鷺車

通典。隋置白鷺車。一名鼓吹車。車上施層樓。樓上有翔鸞棲焉。宋會要。隋所制也。柱杪刻木為鷺。銜鷺毛簞。

鳴鞭

周官條狼氏。執鞭趨避之遺法也。宋會要。唐及五代皆有之。

方繖

宋會要。繖即古張帛避雨之遺制。今有方繖大繖。

記里車

山堂集卷三十七 三百

古今注大章車所以記道里也起于西京亦曰記里車然
黃帝內傳玄女為帝製司南車當其前記里車居其右則
其制始自黃帝非西漢所作也七制解天子車駕出行有
黃門鼓車鼓車皆載鼓之車也鹵簿中有記里鼓車

瑞山車

董巴輿服志商瑞山車金根之色商人以為大輅秦始皇
于是作金根車漢承秦制為乘輿孔子所謂乘殷輅是也
然則金根之制蓋出于商人大輅之法又漢有耕根車上
親耕所乘

行漏車

隋大業雜記大駕羽衛有行漏車鐘鼓車

明遠車

宋會要明遠車即古四望車也駕以牛乾德元年八月改
駕四馬通典齊有四望車亦曰皂輪車

進賢車

漢有五時安車各以方色宋會要進賢車古安車也

崇德車

宋會要崇德車本秦辟惡車也上有桃弧棘矢所以禳却
不祥乾德元年改今名中載黃旗太卜令在車執旗

黃麾

古今注麾所以指麾也通典黃帝振兵設五旗五麾漢鹵
簿有前後黃麾

赤氅

宋會要。氅本緝鳥毛為之。齊有青氅。赤氅之制。唐有六色孔雀。大小鷲毛雞毛之制。

步輦

隋制。輦不施輪。以人荷之。注云。人牽為輦。秦始皇去其輪而輿之。漢代遂為人君之乘。

腰輿

通典。唐有腰輿。大駕先五輅而行。

飲音次

飲飛

秦有左弋。漢武帝太初元年。更為飲飛。漢百官表。少府官屬也。呂氏春秋。荆有茲非。渡江。兩蛟繞舟。茲非拔劍斬之。

荆王仕以執圭。後世以為勇力之官。茲飲音相近。今官名飲飛。即此。大駕鹵簿中。備此以為儀衛。

虞候

春秋時。晉有侯正。主斥候。又有原候。候奄。則虞候之名始此。齊晏子曰。數之。薪蒸。虞候守之。乃山澤望候之官。又唐李靖兵法。有左右虞候。名同而職異矣。

○賞賜

天有雨露。生育萬物。聖人體之。則有慶賞之典。

賜禮樂

禮明堂。成王以周公為有勲勞于天下。是以封周公于曲阜。命魯公。世世祀周公以天子之禮樂。是以魯公孟春乘

鞞音讀大輅載弧鞞旂十有二旒日月之章祀帝于郊配以后稷

賜旂章

錫音羊
鞞音空
幟音密
儻音條

詩大雅王錫韓侯淑旂綏章簞茀錯衡玄衮赤舄鈞膺鏤錫鞞鞞淺幟條革金厄

錫功

詩小雅彤弓召兮受言藏之我有嘉賓中心貺之鐘鼓既設一朝享之

賞德

禮樂記天子之為樂以賞諸侯之有德者也德盛而教尊五穀時熟然後賞之以樂

受北國

詩大雅王錫韓侯其追其貊奄受北國

啓南陽

左傳二十五年晉侯朝王王賜之陽樊溫原欒茅之田晉於是始啓南陽

賜雙壁

史記虞卿躡躠擔簦說趙孝成王一見賜黃金百鎰白壁一雙

賜千金

漢書梁孝王招延四方豪傑齊人公孫詭初見日即賜千金官至中尉唐薛收為天策府記室上書諫秦王田獵王答曰覽所陳知成我者卿也明珠兼乘未若一書賜黃金

卷音登

十挺蕭瑀字勝文遷內史令孜孜抑過繩違賜黃金一函
賞魏絳和戎

左襄十一年晉侯以樂之半賜魏絳曰子教寡人和諧戎
狄八年之中九合諸侯如樂之和無所不諧請與子樂之
魏絳辭公曰夫賞國之典也藏在盟府不可廢也子其受
之魏絳于是乎始有金石之樂

賞子展入陳

左襄二十六年鄭伯賞入陳之功賜子展先路三命之服
先八邑賜子產次路再命之服先六邑

後賞壺叔

史記晉文公從亡賤臣壺叔曰君三行賞不及臣文公曰

夫導我以仁義防我以德惠此受上賞輔我以行此受次
賞矢石之難汗馬之勞此復受次賞若以力事我而補吾
缺者此受下賞二賞之後且及子晉人聞之皆悅

復賞無知

漢高帝封陳平為戶牖侯平辭曰非魏無知臣安得進乃
復賞魏無知又高帝時羣臣爭功鄂千秋曰蕭何功第一
曹參次之帝曰何雖有功待鄂君而後明乃封千秋為安
平侯

銅山

漢文帝愛鄧通賞賜至多復賜蜀郡銅山得私鑄錢由是
鄧氏錢滿天下

金穴
東漢郭況為大鴻臚賞賜金錢錦帛豐盛莫比京師號曰金穴。

賜珠璣

東漢鍾離意字子阿為尚書令時交趾太守坐贓詔以其資物頒賜羣臣意得珠璣悉委地不拜曰孔子忍渴于盜泉之水曾參回車於勝母之鄉惡其名也此誠贓穢物故不敢拜帝嘆之。

賜粟帛

宋處士林逋不趨營利結廬于杭州之孤山真宗聞其名賜以粟帛。

賜弓矢

禮王制諸侯賜弓矢然後征賜鈇鉞然後殺。

賜劔履

宋太祖開寶中吳越王俶來朝帝賜禮賢宅以居又賜劔履上殿命與晉王叙昆弟之禮。

卣卣一卣

左僖二十八年晉文公獻楚俘于王賜卣卣一卣注卣器也卣黑黍也卣香酒所以降神也。

鍾乳一劑

唐高馮字季輔德州人貞觀初為中書舍人數上書言得失辭誠切至帝賜鍾乳一劑曰卿進藥石之言朕以藥石

卣卣

山堂集

卷三十七

十一

二百五十五

相報。

賜節鉞

裴度以平蔡之功賜節鉞。

賜金紫

餽音速

唐劉餽字昇卿進欽州刺史觀察使韓滉表其治行加賜金紫李從晦為常州刺史鎮海軍節度使李琢表其政賜金紫。

賜憑几

魏太祖平柳城班所獲器特以素屏風憑几賜毛玠曰以君有古人之風故賜以古人之物。

賜佩刀

唐太宗曰貞觀以前由武功定天下間關草昧玄齡功也貞觀以後納忠諫正朕違國家長利魏徵而已雖古名臣何以加因解佩刀以賜二人。

賜田二頃

漢書蘇武初從匈奴還詔拜典屬國中二千石賜錢二百萬公田二頃宅一區又郭子儀前後賜良田美玉名園甲館不可勝紀。

賜第一區

唐劉仁軌進六階賜第一區又李晟蕩夷凶慙賜女樂一部永崇里第一區晟入第京兆供帳教坊鼓吹迎導之又渾瑊由樓煩郡王徙咸寧賜大寧里甲第河間王孝恭討

輔公祐生擒之。江南平。賜甲第一區。女樂一部。

紫絲履

西京雜記。漢成帝好為蹴鞠。羣臣以為勞體。非至尊所宜。帝曰。朕好之。可擇似而不勞者奏之。羣臣作彈棋以獻。帝大悅。賜青羔裘。紫絲履。服以朝。觀又漢馬魴為安帝所寵。賜紫艾綬。

白玉帶

唐李載義賊平之後。詔同平章事。賜白玉帶以示殊禮。

大驪賜李忠

東漢世祖。以所乘大驪賜李忠。

良馬賜光顏

唐李光顏為行營節度使。臨行賜珍器良馬。又王君廓鎮幽州。擊突厥俘斬二千。獲馬五十匹。入朝。帝賜所乘馬。令自廷中乘以出。

賜絹百匹

晉張華字茂先。以平吳之計。賜絹百匹。唐屈突通以平薛仁果。珍寶山積。通獨無所取。特賜綵千段。太宗治洛陽宮。

張玄素上書極諫。罷役。賜綵二百匹。倪若水諫捕鵲。鵲瀨。手詔答曰。言念忠讜。深用慰喜。賜帛四十段。用答至言。常何薦馬周。帝以何知人。賜帛三百匹。

賜衣一稱

唐張行成侍宴。賜名馬一匹。錢十萬。衣一稱。

貂裘

唐裴矩助城伊吾。脇處羅入朝。帝喜。賜貂裘。并西胡珍器。又宋太祖以紫貂裘帽賜王全斌。

魚袋

唐高宗給五品以上。隨身銀魚袋。以防召命之詐。出入必合之。三品以上金飾。垂拱中。刺史始佩魚。天授二年。改佩魚為龜。其後三品以上龜。飾以金。四品以銀。五品以銅。中宗初。罷龜袋。復給以魚。郡王嗣王。佩金魚袋。又中書令張嘉貞。奏致仕者佩魚終身。自是百官賞兼魚袋。謂之章。稷首軫服。故元稹謝表。金章紫服。老陋軀。

賜清廟器

唐李珣作牛僧孺碑。特賜清廟器六事。比自範金飾玉。如古時製。且宣曰。以卿精忠。用以貺別。

賜內庫金

宋真宗祥符三年。贖呂端第。賜其家。端諸子多不同處。舊第以質于人。帝出內庫錢贖還之。令其聚居。端長子蕃。言負人息錢甚多。帝別賜內庫金帛。俾償之。

金麥銀米

唐同昌公主出降。賜金麥銀米共數斛。皆條枝國獻。

玉帶錦袍

五代史洪肇傳。唐主始聽樂。賜教坊使等玉帶錦袍。往謝洪肇。洪肇怒曰。健兒為國征討者。未有徧賜。爾曹何功。敢

當此乎。悉取所賜還官。

賜軍誠

宋太宗語樞密使王顯曰。卿世家本儒。少遭兵亂失學。今典機務。無暇博覽羣書。能熟讀軍誠三篇。亦可免于面墻。因取賜之。

賜樂府

宋仁宗廢后郭氏居瑤華宮。帝頗念之。遣使存問。賜以樂府。后和答之。辭甚悽惋。帝益悔焉。內侍閻文應以嘗潛后懼其復立。屬后小疾。帝遣文應挾醫診視數日。言后暴崩。中外疑文應進毒。范仲淹劾其罪。竄之嶺南。歿于道。一宮集三十七卷終。

山堂肆考帝屬第三十八卷

○太上皇

孝經。故雖天子。必有尊也。言有父也。

至養

孟子曰。孝子之至。莫大乎尊親。尊親之至。莫大乎以天下養。為天子父。尊之至也。以天下養。養之至也。

尊稱

漢紀注。太上皇。極尊之稱。皇。君也。天子之父。故號曰皇。不預治國。故不言帝也。

追尊莊襄

秦王政初并天下。更號皇帝。追尊莊襄王為太上皇。

上尊太公

漢高祖詔人之至親莫親于父母。故父有天下傳歸于子。子有天下尊歸于父。此人道之極也。朕披堅執銳帥士卒平暴亂。偃兵息民。天下乂安。此皆太公之教訓也。朕為皇帝。而太公未有號。今上尊太公曰太上皇。上五日一朝太公。

奉卮為壽

見聖壽

奉觴上壽

唐太宗從上皇置酒故漢未央宮。上命突厥頡利可汗起舞曰。胡越一家自古未有。帝奉觴上壽曰。今四夷入臣。皆陛下教誨。非臣智力所及。上皇大悅。

遷居西內

唐玄宗次蜀郡。皇太子即位于靈武。是為肅宗。尊帝為上皇天帝。明年帝還蜀。居興慶宮。即南內也。後皇后張氏稍與政事。多以私謁撓權。遷太上皇居西內。

迎拜南樓

玄宗自蜀歸至咸陽。肅宗備法駕迎上皇。迎拜南樓之下。

徙居崇光

後魏顯祖弘。好黃老浮屠之學。每引朝士及沙門共談玄理。雅薄富貴。常有遺世之志。乃奉皇帝璽綬。傳位于太子宏。時宏生五年矣。有至性。是為高祖受禪之際。悲不自勝。羣臣奏曰。今皇帝幼冲。萬機大政。猶宜陛下總之。謹上尊

號曰太上皇帝。顯祖從之。徙居崇光宮。國之大事咸以奏聞。

受朝太極

唐睿宗先天元年。立皇太子為皇帝。以聽大事。自尊為太上皇。以聽小事。五日一受朝于太極殿。

移御德壽

見聖孝。

移御重華

宋孝宗淳熙十六年。宣諭周必大等曰。朕年來稍覺倦勤。旬日間。禪位于皇太子。退就休養。以畢高宗三年之制。二月壬戌。詔皇太子即位。朕移御重華宮。

○皇太后

漢書。漢興因秦之稱號。帝母稱太后。帝祖母稱太皇太后。

稱長樂宮

漢官儀。帝祖母稱長信宮。帝母稱長樂宮。哀帝尊其祖母帝太后。為皇太后。稱永信宮。帝太后。稱中安宮。

居長信宮

漢書成帝母王太后。居長信宮。即元后也。

為天下母

東漢明德馬太后云。吾為天下母。而身服大練。食不求其欲。率下也。但吾當含飴弄孫。不復關政矣。

極域中尊

唐劉禹錫賀表。靈作合。誕聖表祥。徽號極域中之尊。慈仁為天下之母。

御金根車

漢書。太皇太后皇太后法駕。皆御金根車。玉輅輦。非法駕。則乘紫罽駟車。又魏收後魏書。金根車。公主封君。皆得乘之。

刻音計
駟音統

橫玳瑁簪

續漢書。皇后太后。皆簪玳瑁。長一尺。端為花勝。左右各一。橫簪之。

封姪為王

漢惠帝崩。呂太后臨朝稱制。乃立兄子呂台。呂祿。呂產。及台子通。四人為王。封諸呂六人為列侯。太后崩。祿產專兵。政恐為大臣所誅。因謀作亂。命兄為將。

漢章帝時。竇憲殺都鄉侯暢。懼誅。因自求擊匈奴以贖罪。太后乃以憲為車騎將軍。北擊匈奴。按太后憲之妹。勲之女。

更黃皇號

漢定安太后。年未二十。自劉氏廢。常稱疾不朝。會新莽欲嫁之。乃更號為黃皇室主。欲絕之于漢。令孫建世子盛。饒將醫問疾。太后大怒。因發病不肯起。按定安太后。平帝后。

也始建國元年。莽廢孺子為定安公。以孝平皇后為定安太后。

建光烈稱

漢世母后無謚。至于明帝始建光烈之稱。

抱帝臨軒

晉康帝崩。穆帝即位。時年二歲。皇太后設白紗幘于太極殿。抱帝臨軒。

廢帝臨朝

唐高宗晚病。風不支。天下事一付武后。進號曰天后。中宗即位。天后稱皇太后。廢帝為廬陵王。自臨朝。因改國號。自稱聖神皇帝。欲以武三思為太子。賴狄仁傑言。卒復唐嗣。

檢勅賓客

東漢殤帝延平元年。鄧太后猶臨朝。詔司隸校尉河南尹南陽太守曰。每覽前代外戚賓客。為民患害。咎在執法怠懈。不輒行罰。故也。今宗門廣大。賓客奸猾。多于禁憲。其明加校敕。勿相容護。自是親屬犯罪。無所假貸。

躬試子孫

東漢安帝時。鄧太后臨朝。嘗徵鄧氏近親子孫三十餘人。為開邸第。教以經書。躬自監試。詔從兄豹。康等曰。末世賢戚。食祿之家。溫衣美食。乘堅驅良。而面墻學術。不識臧否。故禍敗所從來也。

禁后聽政

山堂集卷之二十一
三國志魏文帝著令。不許母后聽政。羣臣不得奏事太后。后族之家。不得當輔政之任。又不得橫受茅土之爵。有背違者。天下共誅之。

請后還政

宋仁宗晏駕。英宗卽位。以憂得疾。大臣議請慈聖光獻曹太后垂簾聽政。及英廟已安。韓魏公琦諷后請還政。不許。因白求去。后曰。相公不可去。我當還深宮耳。遂起魏公卽厲聲命鸞儀司徹去座簾。簾旣落。猶于御屏後見后衣也。琦乃白上。別議太后儀制。按曹太后。仁宗后。太尉彬之女。

命立長君

宋太祖母杜氏疾革。謂太祖曰。汝知所以得天下乎。正由

柴氏使幼兒主天下爾。若周有長君。汝安得至此。汝百歲後。當傳位光義。光義傳光美。光美傳德昭。夫四海至廣。能立長君。社稷之福也。宋主泣曰。敢不如教。后顧謂趙普曰。爾同記吾言。不可違也。普卽榻前為誓書于紙尾。署曰。臣普記。藏之金匱。令謹密宮人掌之。

召用故老

宋哲宗卽位。尊宣仁聖烈皇后高氏為太皇太后。與帝御延和殿垂簾聽政。當元豐末。召用故老名臣。罷新法苛政。于是宇內復安。遼主戒其臣下。令勿生事于疆場。有司請循天聖故事。受冊寶于文德殿。太后曰。母后當陽。非國家美事。况天子正德。豈所當御。就崇政足矣。臨朝九年。每有

號令天下謂之快活條貫。羣夷稱為女中堯舜。按宣仁英宗后神宗嫡母哲宗之祖母。

不錄兄勞

東漢馬太后自撰明帝起居注。削去兄防參醫藥事。章帝請曰。黃門舅旦夕供養。且一年既無褒異。又不錄其勤勞。母乃過乎。太后曰。吾不欲令後世聞先帝數親後宮之家。故不著也。按章帝費賢人所生。為馬太后所養。

不復叔官

宋神宗元豐中。蔡確思求媚于宣仁聖烈高太后。以自固。太后從父高遵裕坐征西失律抵罪。因上言乞復遵裕官。太后曰。遵裕靈武之役。塗炭百萬。先帝中夜得報。起環榻。

而行。徹旦不能寐。自是驚悸。馴致大故。禍由遵裕得免。刑誅幸矣。先帝肉未冷。吾何敢顧私恩而違天下公議乎。確悚慄而退。

乘大安輦

宋天聖間。帝與太后將同幸慈孝寺。太后欲以大安輦前。帝行。魯宗道曰。婦人有三從。在家從父。既嫁從夫。夫歿從子。于是太后命輦後乘輿行。

建寶慈殿

宋咸平二年。為皇太后建萬安宮。萬安殿。治平元年。以皇太后所居為慈壽宮。慈壽殿。熙寧元年。皇太后居寶慈宮。又建寶妙徽二殿。

權處國事

王文正公筆錄宋莊獻明肅劉太后權處分軍國事聽斷儀式久而未定丁謂欲每議大政則皇太后坐後殿朝執政朔望則皇帝坐前殿朝羣臣其餘庶務獨令入內押班雷允恭附奏傳命。中書樞密院平決之。王沂公曾判禮儀院乃采用蔡邕獨斷所編東漢故事皇帝在左母后在右同殿聽政。中書樞密院以次奏事如儀。人心乃定。又明肅稱制十一年號令嚴明左右近習少所假借。三司使程琳獻武后臨朝圖后擲于地曰吾不作此負祖宗事。按劉太后乃真宗后仁宗嫡母。

同議政事

宋朝類要莊獻明肅太后遺詔尊楊太妃為太后禁中與皇帝同議軍政事。閣門促班賀于內東門御史丞蔡文忠公齊戒臺吏毋追班。乃白宰相曰上奉先太后十餘年。今始躬親政事。豈宜以女后相繼耶。上聞遂命刪去同議政語。朝廷服其亮。龐籍為殿中侍御史奏燔閣門所掌垂簾儀制以沮其謀。仁宗始專萬幾。

太后加謚

宋仁宗時太后劉氏崩謚莊獻明肅。加四謚自此始。舊制太后止二謚。

太后稱予

初丁謂為相議定太后稱予。至是中書議每下制令稱予。

山堂集卷之八
便殿處分事稱吾。

○皇后

白虎通。后者。君也。天子之配至尊。故謂之后也。夏殷已前后妃之制。其文甚略。大率皆稱妃。故黃帝帝嚳俱有四妃。至周則天子立后。正嫡曰王后。秦稱皇帝。正嫡曰皇后。

嬪虞

虞書有鰥在下曰虞舜。帝曰我其試哉。女子時觀厥刑于二女。釐降二女子于汭。嬪于虞。

迎渭

詩大雅。文王初載。天作之合。在洽之陽。在渭之涘。文王嘉

便音現

止。大邦有子。大邦有子。倪天之妹。文定厥祥。親迎于渭。造舟為梁。不顯其光。

翼夏

謝承三夫人箴。降暨三代。初業之君。亦賴賢妃。用佐厥勳。塗山翼夏。有莘贊殷。

嫁周

詩大雅。摯仲氏任。自彼殷商。來嫁于周。曰嬪于京。乃及王季。維德之行。大任有身。生此文王。

嗣徽音

詩大雅。思齊太任。文王之母。思媚周姜。京室之婦。太姒嗣徽音。則百斯男。按太任。王季之妃。周姜。太王之妃。太姜也。

太如文王之妃文母也。

聽內治

禮昏義古者天子后立六宮。三夫人。九嬪。二十七世婦。八十一御妻。以聽天下之內治。以明章婦順。故天子內和而家理。注曰。六宮。謂大寢一。小寢五也。周禮鄭注。六宮前一宮。後五宮也。五宮者。后一宮。三夫人一宮。九嬪一宮。二十七世婦一宮。八十一御妻一宮。凡一百二十人。又曰。六宮一宮居中。四宮處四角。而正宮在前。

脩女順

禮昏義。天子脩男教。父道也。后脩女順。母道也。

主陰教

魏帝納皇后。羣臣上禮章曰。長秋既建。陰教有主。景命無窮。皇圖永固。

處璇宮

拾遺記。帝少昊。以金德王。母曰星娥。處璇宮。而夜織。或乘桴木而晝遊。

貯金屋

漢武故事。帝初為膠東王。年數歲。長公主指問曰。兒欲得婦不。對曰。欲得。指女阿嬌。好不。笑曰。若得阿嬌。當作金屋貯之。

天之有地

盧植奏事。后妃者。所以郊天祀地。祇奉祖宗。外以肅恭。明

神內以帥正九嬪猶天之有地陽之有陰也。

日之有月

魏名臣奏帝之有后猶日之有月也。

脫簪待罪

珣音二

通鑑周宣王二十二年王嘗晏起姜后脫簪珣待罪于永

巷。使其傅毋通言于王曰。王樂色而忘德。失禮而晏起。亂之興。從婢子始。敢請罪。王曰。寡人不德。實自有過。非夫人之罪也。自是側身脩行。勤于政事。早朝晏罷。卒成中興之名。

著書垂範

唐太宗長孫皇后少好讀書。上嘗與之議賞罰。后辭曰。牝

雞之晨。惟家之索。妾婦人安敢預聞政事。后嘗采自古婦人得失事。著為女則三十卷。及崩。官司奏聞。上覽之悲慟。以示羣臣曰。皇后此書。足以垂範百世。朕非不知天命。而為無益之悲。但入宮不復聞規諫之言。失一良佐。不能忘懷耳。

探籌定后

東漢順帝欲立后。而賢人有寵者四人。乃探籌以神定之。

鑄金占后

元魏故事。凡欲立皇后皇子。必先以金鑄其像而占之。以鑄成者為吉。魏主珪克中山。獲燕主寶之幼女。將立為后。用故事。鑄金人卜之。慕容氏所鑄成。遂立焉。

蘭殿

見七夕

椒房

班固西都賦後宮則掖庭椒房后妃之室合觀增城安處長寧漢官儀皇后稱椒房取椒聊之實蕃衍盈升之義又以椒和泥塗壁取其溫暖而芳辟除惡氣猶天子以朱泥殿上曰丹墀也

湯沐邑

漢官舊儀皇后太后各食三十縣曰湯沐邑

脂澤田

晉氏要事安帝九年右丞張項建議瑯琊及湖熟界有皇

后脂澤田四十頃參詳以借貧人

求劍知旨

漢宣帝與許后起微賤及即位大臣議立后難之帝乃下詔求微時故劍大臣知旨遂立許后許后字平君許廣漢女後被霍光妻顯毒殺之因勸光內其女入宮立為皇后及事覺廢霍后又立長陵王健仔為后令母養太子太子名萌許后所生是為元帝

剖石得文

見石

肥音似

金肥玉階

張衡西京賦後宮則有金肥玉階彤庭輝輝

金根玉輅

見皇太后御金根車。

拱手即伸

見除夕。

無齒畫生

晉成帝杜皇后。預之曾孫。少有姿色。長猶無齒。有求婚者。輒中止。及帝納采之日。一夜齒盡生。遂拜為后。

裙不加緣

漢明帝時。有司奏立長秋宮。帝未有所言。皇太后曰。馬賢人德冠後宮。即其人也。后既正位宮闈。愈自謙肅。好讀書。常衣大練裙。不加緣。朔望諸姬主朝請。望見后袍衣疎粗。

以為綺縠。就視乃笑。后曰。此繒特宜染色。故用之耳。按后援之女也。長七尺二寸。青白色。方口。美髮。宮名長秋者。秋陰之始。取其長而欲其久也。

衣不擇采

漢和帝鄧后傳。宮省宴會。諸賢人競自脩飾。極靡麗之服。而后獨澹然。衣不擇采。粧不務飾。又后初入掖庭。其衣有與陰后同色者。即時解易。若竝時進。見則不敢正坐。離坐。行則僂身自卑。帝嘆曰。脩德之勞力。如是乎。

玳瑁簪

見太后

珊瑚玦

西京雜記趙飛燕為皇后。女弟昭儀上珊瑚玦。又上雲母五明扇。七華扇。翟羽扇。五色玉環。

織室

東觀漢記明德馬皇后置織室蠶宮於濯龍門。數往來親視之。又漢魏故事。皇后親蠶禮。着十二笄步搖。乘畫雲母安駝音貴車。駕六駝馬。

桑壇

晉元康儀皇后採桑壇。在蠶宮西南。

夢龍據曾

見帝符

夢龍枕膝

晉簡文帝無子。令善相者以諸愛妾示之。皆云非其人。時李后為宮人在織坊中。形長而色黑。皆謂之崑崙相者。驚曰。此其人也。帝召之侍寢。后數夢兩龍枕膝。日月入懷。帝聞而異焉。後生孝武帝。

拜無鹽氏

列女傳鍾離春者。齊國無鹽邑之女。其為人極醜。無雙。行年四十。無所容入。衞嫁不售。流棄莫執。于是拂拭自謁。宣王于漸臺。宣王召而問之。乃揚目衞齒。攀手拊膝曰。殆哉。殆哉。如此者。四宣王願遂聞命。于是極言大王之君國也。有四殆。宣王喟然而嘆。折漸臺。罷女樂。拜無鹽氏為皇后。而齊國大治者。醜女力也。

立上官氏

漢霍光與上官桀相善。因以女為桀子安妻。生女年甫五歲。安欲因光納之宮中。光以為尚幼不聽。安說益長。宮主私近子客。丁外人曰。安有女容貌端正。誠因長主得入為后。以臣父子在朝。而有椒房之重。足下何憂不封侯乎。外人言于長主。以為然。召安女入為婕妤。遂立為后。是時昭帝春秋十二。而上官氏亦始五歲。遽乃正位中宮。霍光不學之故耳。

娶陰麗華

漢光武陰皇后。南陽人。名麗華。初帝聞后美。心悅之。後至長安。見執金吾車騎甚盛。因嘆曰。仕宦當作執金吾。娶婦

當得陰麗華。及即位。廢郭后立之。

立武昭儀

唐高宗永徽六年冬。立昭儀武氏為皇后。故后王氏及淑妃蕭氏。並囚于別院。

金璽盤螭

漢書皇后之璽。金螭虎鈕。隋志。皇后有金璽盤螭鈕。文曰。皇后之璽。

畫屏中雀

唐書。高祖后竇氏。父毅嘗曰。此女有奇相。何可妄與人。因畫二孔雀于屏間。請婚者。使射二矢。陰約中目。則許之。射者閱數十。皆不合。高祖最後射中各一目。遂歸于帝。

沙麓之靈

漢書王賀字翁孺徙居魏郡委粟里元城建公曰昔春秋沙麓崩晉史卜之云後六百四十五年當有聖母與其齊田氏乎至漢翁孺徙居正值其地日月當之後賀生林林禁生女政君即漢元帝后也按元后母李氏妊政君時夢月入懷政君元后小字也元后母天下歷元成哀平四帝至王莽五年春二月而崩故楊雄表大陰之精沙麓之靈作合于漢配元生成按沙麓山名在大名府東

玉衣之兆

魏書文昭甄后以漢光武五年十二月丁酉生每寢寐家中髮鬢見有人持玉衣覆其身者其常怪之

涉獵文史

唐高宗苦風眩不能視事百官奏事咸使武后決之后性明敏涉獵文史處事皆稱旨權與人主侔矣

肅清禁庭

宋仁宗皇后曹氏侍女坐事當誅求哀於帝左右帝欲赦之而后具衣冠見帝固請誅之帝曰痛杖之足以懲矣后不可曰如此無以肅清禁庭帝命后坐后立幾辰帝乃許之

御帳接臣

後魏胡太后數幸宗戚勳賢之家侍中崔光諫曰禮諸侯非問疾吊喪而入諸臣之家謂之君臣相諛不言皇后夫人明無適臣家之義也漢上官皇后將廢昌邑霍光外祖

也親為宰輔后猶御武帳以接羣臣示男女之別也願陛下簡息遊幸則率土屬類含生仰悅矣。

施帷預政

唐中宗復位每臨朝帝后必施帷帳坐于殿上預聞朝政能執婦禮

宋哲宗元祐七年四月始備六禮立皇后孟氏后洛州人馬軍都虞候元之孫太皇太后高氏及太后向氏皆愛之教以女儀至是太皇太后諭執政曰孟氏女能執婦禮宜正位中宮詔翰林臺諫給舍與禮官議冊后六禮以進立為皇后太皇太后語帝曰得賢內助非細事也既而嘆曰斯人賢淑惜福薄耳異日國有事變必此人當之後立以

爭座為劉婕妤所構而廢

善承帝意

宋徽宗大觀四年立賢妃鄭氏為皇后后開封人本欽聖殿押班初上為端王當朝欽聖太后太后命后供侍及帝即位遂以賜帝后性端謹善順承帝意好觀書音奏能自製帝愛其才竟立為后

婚于濮邸

按宣仁英宗后神宗母侍中高瓊之曾孫母曹氏仁宗光獻皇后之姊也宣仁與英宗同年生自幼為光獻皇后同養禁中仁宗嘗謂英宗曰異日必以為配既長宣仁出宮婚于濮邸封京兆郡君英宗即位冊立為后

納自蜀人

宋朝事實。莊獻劉后。益州華陽人。父通為指揮使。從征太原。道卒。后在襁褓而孤。鞠于外氏。善播鼗。蜀人龔美者。以鍛銀為業。時真宗尹開封。美因鍛銀得見真宗。語之曰。蜀婦人多才慧。汝為我求一蜀姬。美因納后。后年十五。寵幸專房。太宗一日問乳母曰。太子近來容貌清瘦。左右有何人。乳母以后對。上命去之。太子不得已。置於殿侍。張耆家。未幾太宗晏駕。太子即帝位。祥符五年。立為皇后。

節度之女

宋光宗后李氏。安陽人。慶遠節度使李道之女也。道帥湖北。聞道士皇甫坦善相。人乃出諸女拜之。坦見后。驚。不能

受拜。曰。此女當母天下。坦言於高宗。遂聘為恭王妃。生嘉王擴。性妬悍。常訴王左右於高宗及壽皇。高宗不懌。謂吳后曰。是婦將種。吾為皇甫坦所誤。壽皇亦屢敕令。以皇太后為法。不然。行當廢汝。后疑其說出於太后。深憾之。至是立為后。

丞相之孫

宋理宗后謝氏。天台人。丞相深甫之孫也。生而顰黑。翳一目。父渠伯早世。產業破壞。后躬親汲飪。帝即位。議擇中宮。揚太后以深甫有援已功。命選謝氏女兄弟。欲納入宮。諸

擢音牽

父擢伯不可曰。即奉詔納女。當厚奉資裝。異時不過一老

宮婢。事奚益。會元夕。縣有鵲來巢燈山。眾以為后妃之祥。

擗伯不能止。乃共送后就道。后旋病疹良已。膚蛻瑩白如玉。醫又藥去。遂與賈涉女同入宮。賈女有殊色。帝欲立之。太后曰。謝女端重。有福。宜正中宮。左右亦相竊語曰。不立真皇后。乃立假皇后。邪。帝不能奪。

無罪被擯

何皇后始以色進。及上即位。不數年。恩寵日衰。然撫下有恩。幸免讒謗。忽一日泣訴于上曰。三郎獨不記何忠脫新紫半臂。換得一斗麵。為三郎生日湯餅耶。何忍不追念于前時。上聞之。戚然改容。終以諸妃恩寵日盛。竟見黜焉。后以無罪被擯。六宮共憐之。按何忠。何皇后自呼其父名也。宮中呼唐玄宗為三郎。

私謁撓權

唐肅宗立皇后張氏。稍與政事。與李輔國相助。多以私謁撓權。帝不能制。遷太上皇后于西內。皆張后謀也。

漢立三后

漢主劉聰。納中護軍靳準二女。月光月華。立月光為上皇后。劉賢妃與月華為左右皇后。陳元達極諫。以為立三后。非禮也。聰不悅。後又立父婢樊氏為后。

周立五后

贊音寄

周主贊將立五后。以問小宗伯辛彥之。彥之對曰。皇后與天子敵體。不宜有五。博士何妥曰。帝嘗四妃。虞舜二妃。先代之數。何常之有。天元大悅。以陳氏為天中太皇后。尉遲

妃為天左太皇后。造五帳使五后各居之。史氏云。漢立三后。夷也。至高緯而立二后。非矣。於是周主又立四后。增而至五后焉。謂之何哉。

○妃

帝王世紀黃帝有元妃次妃之列。則妃之名疑自此始。

此始。

心無嫉妬

詩周南南有樛木。葛藟纍之。樂只君子。福履綏之。注云。后妃能逮下。而無嫉妬之心。故眾妾樂其德而稱願之。

心存警畏

詩齊風雞既鳴矣。朝既盈矣。匪雞則鳴。蒼蠅之聲。

太妃

魏以來諸王之母為太妃。晉哀帝生母周貴人。詔崇為皇太妃。

淑妃

魏明帝置淑妃。齊永明中。有司奏淑妃舊擬九棘。以淑為溫恭之稱。妃為亞后之名。宜進同賢妃。加比三司。又奏賢妃淑妃。益加紫綬金章。佩于寘玉。

德妃

隋煬帝參詳典故。自製美名。有德妃為三夫人。

賢妃

唐百官志。內官有賢妃正一品。又宋子京后妃傳序。唐制

皇后而下。有賢妃。淑妃。德妃。賢妃。是為夫人。

性聰慧

張賢妃名麗華。父兄以織席為業。陳後主為太子時。選入宮。見而悅之。因得幸。生太子深。後主即位。拜為賢妃。性聰慧。甚被寵遇。得侍承香殿。至德二年。乃于光昭殿前。起臨春。結綺。望仙三閣。高數十丈。後主居臨春閣。張賢妃居結綺閣。龔孔二賢嬪居望仙閣。竝複道交相往來。

願音其

貌纖頰

唐武宗賢妃王氏。初以善歌舞入宮。穆宗以賜穎王。開成末。王嗣帝位。妃陰為助。畫故進。號才人。遂有寵。其狀貌纖頰。頰類帝。帝每畋苑中。才人必從。容貌光寵。略同至尊。相

與馳出入。觀者不知其孰為帝也。

步蓮

齊東昏侯為潘賢妃起神仙永壽二殿。皆飾以金壁。莊嚴寺有玉九子鈴。外國寺佛面有光相。禪靈寺塔諸寶珥。皆剝取以施。潘妃殿飾。又鑿金為蓮花貼地。令妃行其上。曰此步步生蓮花也。

鬪草

梅妃姓江。莆田人。父仲遜。世為醫。妃年九歲。能誦二南。父奇之。名曰采蘋。唐開元中。高力士使閩粵。妃笄矣。見其少麗。選歸侍明皇。大見寵幸。性喜梅。上以其所好。戲名曰梅妃。後上與梅妃鬪草。顧諸王戲曰。此梅精也。吹白玉笛。作

驚鴻舞。一座光輝。今闔草又勝我矣。妃應聲曰。草木之戲。悞勝陛下。設使陛下調和四海。烹飪鼎鼐。萬乘自有憲法。妾何能較勝負也。上大悅。會太真楊氏入侍。寵愛日奪。上雖無踈意。而二人相嫉。避路而行。竟為楊氏遷于上陽東宮。後上憶之夜。遣小黃門密以戲馬召妃。至翠華西閣。叙舊愛。繼而上失寤。侍御驚報曰。楊妃已至閣前。當柰何。上披衣抱妃。藏夾幙間。楊妃既至。大怒曰。看核狼籍。御榻下有婦人遺馬。夜來何人侍陛下。寢懽醉。至于日出。不視朝。陛下可出見羣臣。妾止此閣。以俟駕回。上愧甚。拽衾向屏。後復寢。今日有疾。不可臨朝。楊妃怒甚。徑歸私第。上頃覓梅妃所在。已為小黃門送令步回東宮。上怒斬之。遺馬并

翠鈿。命封賜與妃。妃與千金壽高力士。求詞人擬司馬相。如為長門賦。欲邀上意。力士方奉太真。且畏其勢。報云。無人解賦。妃乃自作樓東賦。

處隆基堂

陳後主馮淑妃。名小憐。太穆后從婢也。穆后愛哀。以五月五日進之。號曰續命。能彈琵琶。工歌舞。後主惑之。坐則同席。出則並馬。願得生歿一處。命淑妃處隆基堂。

住太真宮

敬音皎

楊妃早孤。養于叔父河南府士曹玄璩家。開元二十二年十一月。歸壽邸。二十八年十月。玄宗幸溫泉宮。遣高力士取楊氏女于壽邸。度為女道士。號太真。住太真宮。天寶四

載七月。冊左衛中郎將常昭訓女。配壽邸。是月于鳳凰園冊太真宮女道士楊氏為賢妃。半后服用。進見之日。奏霓裳羽衣曲。上又自執麗水鎮庫紫磨金琢成步搖。至粧閣親與插鬢。寵愛甚于開元初。武惠妃宮中呼為娘子。禮數同于皇后。冊妃日。贈其父玄琰濟陰太守。母李氏隴西郡夫人。又贈玄琰兵部尚書。李氏涼國夫人。叔玄珪光祿卿。劉音昭銀青光祿大夫。拜再從兄釗為侍郎兼數使。兄銛居朝列。堂弟錡尚太華公主。有姊三人。皆有才貌。往來宮中。必相宴餞。初雖結義頗深。後以權敵不叶。五載七月。妃子以妬悍忤旨。高力士送還楊銛宅。及亭午。上思之不食。舉動發怒。力士探旨。固請召還。既夜。遂開安興坊。從太華院入。

及曉。上見之內殿。大悅。賢妃拜泣謝過。自茲恩遇日深。後宮無得進幸矣。七載加釗御史大夫。權京兆尹。賜名國忠。封大姨為韓國夫人。三姨為虢國夫人。八姨為秦國夫人。皆月給錢十萬。為脂粉之資。九載二月。上與兄弟共處五王帳。無何。妃子竊吹竽王紫玉笛。故張祐詩曰。梨花靜院無人見。閒把竽王玉笛吹。因此又忤旨。放出外第。時吉溫與中賢人善。因入奏曰。婦人智識不遠。有忤聖顏。既已久。蒙恩顧。只合死于宮中。何惜一席之地。使其就戮。安忍取辱于外哉。上即令中使張韜光賜妃御饌。妃因附使泣奏曰。妾忤旨。罪當萬死。衣服之外。皆聖恩所賜。無可上獻。惟髮膚是父母所生。乃引刀剪髮一縷。附上。韜光以髮搭于

肩以奏。上大驚。即使力士召還。

密賜珍珠

太真聞江妃作樓東賦。訴于上曰。江妃庸賤。以諛詞宣言。怨望。願賜死。上默然。上嘗在花萼樓。會夷使至。密封珍珠一斛。賜江妃。妃不受。以詩付使者曰。為我進御前也。詩曰。柳葉雙眉久不描。殘粧和淚污紅綃。長門盡日無梳洗。何必珍珠慰寂寥。上覽詩。悵然不樂。

善擊玉磬

太真妃多曲藝。善擊磬。拊搏之。玲玲然多新聲。太常梨園之樂工。莫能加也。上令採藍田綠玉。琢為磬。使擊之。按許子真記。太真乃廣西容州並日寧人。父維。母葉氏。始生有異

質。目光見日不瞬。都部署楊康求為女。時楊玄琰為長史。又從康求為女。携歸京師。後進入壽宮。玄宗冊為妃。着后服。與上行同輦。止同室。宴專房。寢專席。後宮無復進幸者。此所錄太真父母。與上所錄者不同。故復附之。

籠中蟋蟀

唐明皇每至秋時。宮中妃妾輩。皆以小金籠捉蟋蟀。閉于籠中。置之枕函畔。夜聽其聲。庶民之家。皆效之。

被底鴛鴦

五月五日。唐明皇避暑遊興慶池。與妃子晝寢於水殿中。宮嬪輩凭欄倚檻。爭看雌雄二鷓鴣。戲於水中。帝時擁翳。妃于綃帳內。謂宮嬪曰。爾等愛水中鷓鴣。爭如我被底鴛鴦。

唐書卷一百一十八 卷一百一十八 二百〇八

鴛

山堂肆考帝屬第三十九卷

○皇太子

古今源流五帝官天下所謂天與賢則與賢也三
王家天下所謂天與子則與子也宋儒范氏曰太
子者君之貳父之統也立子以長不以功所以重
先君之世也

搖山少海

搖二作
搖

唐劉禹錫箋四岳仰搖山之高百川承少海之潤按山海
經西海之外有搖山其上有人名曰太子長琴顓頊生老
童老童生祝融祝融生長琴初學記祝融生太子作搖山
之樂又無臯之山南望幼海幼海即少海也天子比大海

太子比少海

蒼震黃離

劉禹錫表蒼震發前星之輝黃離表重輪之瑞按易震卦
 管子曰王者器者莫若長子故受之以震又曰震為蒼筤竹易離卦
 黃離元吉注云離南方之卦離為火土託位焉土色黃為
 火之子喻子有明德能附麗于其父之道順成其業故吉
 也

居曰青宮

東方朔神異經東方東明山有宮青石為墻門有銀榜以
 青石碧鏤題曰天地長男之宮故今太子宫曰青宮
 召用墨勅

唐武后時令有司移文東宮召太子崔神慶諫曰人臣五
 品以上佩龜者蓋防徵召之詐內出龜以合之然後行况
 太子乎古者召太子用玉契誠杜奸萌之意今太子與陛
 下異宮非朝朔望及別喚者請降墨勅玉契可也

寢膳必問

禮文王世子文王之為世子朝於王季日三雞初鳴而衣
 服至於寢門外問內豎之御者曰今日安否何如何內豎曰
 安文王乃喜及日中又至亦如之及暮又至亦如之其有
 不安節則內豎以告文王文王色憂行不能正履王季復
 膳然後亦復初食上必在視寒煖之節食下問所膳命膳
 宰曰未有原應曰諾然後退武王師而行之不敢有加焉

文王有疾，武王不脫冠帶而養。文王一飯，亦一飯。文王再飯，亦再飯。

游習既成

元稹書。成王始為太子也。太公為師，周公為傅，召公為保。伯禽、唐叔與游，目不闕淫艷，耳不聞優笑，居不近庸邪，及為君也，血氣既定，游習既成，雖有放心，不能奪已成之性。

齒學

禮文王世子。行一物而三善皆得者，唯世子而已。其齒於學之謂也。故世子齒于學，國人觀之曰：將君我而與我齒讓何也？曰：有父在則禮然，然而眾知父子之道矣。其二曰：將君我而與我齒讓何也？曰：有君在則禮然，然而眾者君臣之義也。其三曰：將君我而與我齒讓何也？曰：長長也。然而眾知長幼之節矣。

撫軍

左閔三年。晉侯使太子申生伐東山臯落氏。里克諫曰：太子奉冢祀社稷之粢盛，以朝夕視君膳者也。故曰冢子。君行則守，有守則從。從曰撫軍，守曰監國，古之制也。夫帥師專行謀，誓軍旅，君與國政之所圖也。非太子之事也。

厭紐

左昭十三年。初，楚共王無冢，嫡有寵子五人，無適立焉。乃大有事，羣望而祈，曰：請神擇于五人者，使主社稷。乃徧以璧見于羣望，曰：當璧而拜者，神所立也。乃與巴姬密埋璧。

齊音齋于太室之庭使五人齊而長入拜康王跨之靈王肘加焉

厭音壓子千子皆皆遠之平王弱抱而入再拜皆厭紐闕常龜屬成然焉且曰棄禮違命楚其危哉注云羣望星辰山川之神

鎮帷

樊川集杜牧杜秋娘詩燕媒得皇子天人親捧持虎睛珠絡襪金盤犀鎮帷

設戟

漢班彪傳舊制太子湯沐十縣設周衛交戟五日一朝給符

唐車服志高祖朝凡太子監國給雙龍符左右皆十兩

樂正受教

禮王制樂正崇四術立四教順先王詩書禮樂以造士春秋教以禮樂冬夏教以詩書王太子王子羣后之太子卿大夫元士之適子國之俊選皆造焉凡入學以齒注云皆造皆來受教于樂正也

樂人為歌

東漢明帝初為太子樂人為歌四章以贊太子之德一曰日重光二曰月重輪三曰星重暉四曰海重潤

四皓為客

漢高祖欲以趙王如意易太子呂后使建成侯呂釋之要留侯畫計留侯曰此難以口舌爭也顧上有所不能致者

角音鹿 四人曰東園公綺里季夏黃公角里先生皆以上侮嫚士故逃匿山中然上高此四人令太子為書單詞安車固請其來以為客時從入朝令上見之則一助也後置酒宴太子侍留侯所招四人者從各言姓名上乃大驚曰吾求公數歲公逃避我今何自從吾兒遊乎四人曰太子仁孝恭敬愛士天下莫不延頸願為太子死故臣等來耳上曰煩公幸卒調護太子四人者出上召戚夫人指示之曰我欲易之彼四人者輔之羽翼已成難動矣

二疏為傅

漢宣帝地節三年立子奭為皇太子以疏廣為太子太傅兄子受為少傅

晁錯為令

漢晁錯拜太子家令以其辯得幸太子太子家號曰智囊

桓榮為師

漢明帝諱莊光武第四子生而豐下十歲通春秋十九立為皇太子師事桓榮學尚書

驅車至茆門

韓非子曰楚莊王急召太子楚國之法太子車不得至茆門因天雨庭中有潦遂驅車至茆門廷理舉父而擊其馬太子為王泣曰庭中多潦驅馬至茆門廷理曰非法也舉及擊臣馬敗臣駕王必誅之王曰法者所以敬宗廟尊社稷故能尊社稷者社稷之臣也焉可誅是守法之臣耶乃

益二爵。而開後門出太子。

著令絕馳道

漢成帝為太子。初居桂宮。元帝嘗急召太子出龍樓門。不敢絕馳道。西至直城門得絕。乃度還入作室門。上遲之。問其故。以狀對。上大悅。乃著令。太子得絕馳道。

博望苑

漢武帝年二十九。乃得太子。甚喜。少長詔受。公羊春秋及冠就宮。上為立博望苑。使通賓客。從其所好。

承華門

太子宮門曰承華

舞六佾

東宮舊事。皇太子大小會。庭設三廂。樂舞六佾。建九旗。

建九旗

晉書東宮舊事。皇太子初拜。有石山安車。一建九旗。青色四馬。

純厚慈仁

漢文帝元年。有司請蚤建太子。上曰。朕不能博求天下賢聖。有德之人而禪焉。而曰豫建太子。是重吾不德也。其安之。有司固請曰。古者殷周有國。治安皆千餘歲。用此道也。立嗣必子。所從來遠矣。今子啓純厚慈仁。請建以為太子。上乃許之。

聰達才敏

漢明帝子烜年四歲聰達才敏多識世事壯而仁明謙恕
溫慈惠和寬裕廣博親愛九族始治尚書遂兼五經帝愛
重之立為太子

不當將兵

漢高時黥布反上疾欲使太子往擊之張良所招四人者
謂呂澤曰太子將兵有功位不益無功則從此受禍且諸
將皆與上定天下臬將也今使太子將之是使羊將狼皆
不肯為用無功必矣

不好習射

見聖孝

青蓋車

後漢服輿志皇子為王錫青蓋車

朱明服

唐李林甫數勸上立壽王瑊為太子玄宗以忠王璿年長
孝謹好學意欲立之猶豫未定高力士曰但推長而立誰
敢與爭上曰汝言是也由是遂定璿將受冊命儀注有中
嚴外辦絳紗袍璿嫌與至尊同稱表請易之於是停中嚴
改辦曰備易絳紗袍為朱明服

授施氏易

續漢書劉昆少學施氏易明帝為太子昆以易入授

賜韓非書

晉元帝立王太子紹為皇太子紹好賢禮士與庾亮溫嶠

等為布衣之交。帝聘亮妹為紹妃。使亮侍講東宮。帝好刑名家。以韓非書賜太子。亮諫曰。申韓刻薄傷化。不足留聖心。

鶴禁

漢宮闕。疏鶴宮。太子所居。凡人不得輒入。故曰鶴禁。又漢元帝生甲觀畫堂。甲觀觀名畫堂。堂名甲者。甲乙丙丁之次也。甲觀在太子宫。甲地。甲觀畫堂者。言生于甲。觀之畫堂也。

龍樓

唐劉禹錫賀冊皇太子表。龍樓肇建。展嘉禮於三朝。鳳曆延年。固本枝於萬葉。

賜周公圖

漢武帝時。寵姬趙婕妤有男。上心欲以為嗣。命大臣輔之。察羣臣。唯霍光可屬社稷。上乃使黃門命畫者畫周公輔成王朝諸侯圖。以賜光。上病篤。光泣問曰。如有不諱。誰當嗣者。上曰。君未諭前畫意耳。立少子。君行周公之事。上以光為大將軍。受遺詔輔少子。

懷孔光傳

宋神宗無子。大臣請立宗室。五六年未決。一日韓琦懷漢書孔光傳以進。曰。漢成帝即位二十五年。無嗣。立弟之子定陶王為太子。成帝中材之主。猶能之以陛下之聖。何難哉。願陛下以太祖之心為心。則無不可。帝曰。朕有此意久。

矣。誰可者。琦對曰。此非臣輩可議。當出自聖擇。帝曰。宮中嘗養二子。小者甚純。近不慧。大者可也。琦請其名。帝以宗實告。宗實。漢安懿王之子。琦等力贊之。帝遂命學士王珪草制。立為皇太子。後即位。是為英宗。

太子四友

吳王權立子登為太子。妙選師友。以諸葛瑾子恪。張昭子休。顧雍子譚。陳武子表。為中庶子。入講詩書。出從騎射。待以布衣之禮。謂之四友。按登字子高。

太子六傅

晉愍懷太子立。乃置六傅。省尚書事。時號太子六友。

獨拜攸牀

魏志。文帝在東宮。太祖謂曰。荀公達人之師表。汝當盡禮敬之。攸嘗病。太子問病。獨拜於牀下。

三至夷舍

晉書杜夷。字行齊。以儒學稱。為儒林祭酒。中興初。皇太子凡三至夷舍。執經問難。

令申拜禮

晉武帝泰始三年。立子衷為太子。有司奏東宮施教。二傅其儀不同。晉主曰。崇敬師傅。所以尊道重教也。何言臣不臣乎。其令太子申拜禮。衷即惠帝也。

不了家事

晉惠帝初為太子時。和嶠嘗言于武帝曰。太子有淳古之

風而未世多偽。恐不了陛下家事。後與荀勗侍武帝。帝曰。太子近進。卿可俱詣之。既還。勗等稱太子明識雅度。嶠曰。聖質如初。武帝不悅而起。

遣賑貧窮

梁太子統。字德施。小字維摩。讀書五行俱下。生五歲能編誦五經。注文選二十卷。引拔才俊。不蓄聲樂。每霖雨積雪。遣左右周行閭巷。視貧窮者賑之。天性孝謹。在東宮坐起。恒西向。母丁賢妃卒。水漿不入口。腰帶十圍。戒削過半。及寢疾。恐貽梁主憂。輒自力手書。及卒。朝野惋愕。謚曰昭明。

好治園圃

齊主晚年好遊宴。尚書曹事分送太子長懋省之。由是威

加內外。太子性奢靡。治堂殿園圃過於上宮。而莫敢以聞者。

縱鷹

唐高祖立世民為太子。軍國庶事悉委處決。然後聞奏。太子命縱禁苑鷹犬。罷四方貢獻。聽百官各陳治道。

獻鹿

周李獲白鹿以獻。周主曰。在德不在瑞。

遇物則誨

唐太宗謂侍臣曰。朕自立太子。遇物則誨之。見其飯則曰。汝知稼穡之艱難。則常有斯飯矣。見其乘馬。則曰。汝知其勞。不竭其力。則常得乘矣。見其乘舟。則曰。水所以載舟。亦

山堂長考 宮集三十九卷 十一
所以覆舟。見其息于木下。則曰。木從繩則正。君從諫則聖。
用物弗限。

唐太宗詔太子用庫物。有司勿為限制。于是太子發取無
度。左庶子張玄素上書曰。恩旨未踰六旬。用物已過七萬。
驕奢之極。孰過于此。

師儀

唐太宗定太子見三師儀。迎于殿門外。先拜。三師答拜。每
門讓於三師。三師坐。太子乃坐。其與書。前後稱名惶恐。

帝範

唐太宗作帝範十二篇。賜太子曰。君體建親。求賢審官。納
諫去讒。戒盈崇儉。賞四罰。務農閱武。崇文。

入侍藥膳

唐太宗貞觀中。疾未全平。詔太子間日聽政于東宮。既罷
則入侍藥膳。不離左右。褚遂良請遣太子旬日一還東宮。
與師傅講論從之。

娛侍書棋

唐德宗元和中。翰林待詔王伾善書。王叔文善棋。俱出入
東宮。娛侍太子。密結翰林學士韋執誼及朝士有名而求
速進者。陸淳。呂溫。李景儉。韓曄。柳宗元。劉禹錫等。定為死
友。按伾杭州人。叔文山陰人。執誼京兆人。宗元河東解人。
禹錫中山人。太子即順帝也。

寡人何預他事

唐順宗有風疾失音。立廣陵王淳為太子。更名純。百官觀太子儀表。大喜相賀。有感泣者。而王叔文獨有憂色。杜黃裳遷太常卿。勸其婚。常執誼。請太子監國。執誼恐太子不悅。故以陸質為侍讀。使潛伺太子意。且解之。太子怒曰。陛下令先生為寡人講經義耳。何為預他事。質懼而出。質即淳也。避太子名。改之。

臣子不合全書

唐常綬為太子侍讀。奏曰。太子學書。至依字。輒去傍人云君父。以此可天下奏事。臣子不合全書。上益嘉之。

榻前為約

見皇太后。

榻前稟命

長編宋英宗治平二年。上疾增劇。韓琦奏宜早立皇太子。以安衆心。上領之。琦請帝親筆指揮。帝乃書曰。立大大王為皇太子。琦曰。必頴王也。煩聖躬更親書之。上又批於後曰。頴王頴琦。即召內侍高居簡授以御批命。翰林學士草制。承旨張方平至榻前。稟命上書來。日降制。立其為皇太子。是為神宗。

副天下望

宋太宗儲貳未定。帝問寇準曰。朕諸子孰可付神器者。準對曰。陛下為天下擇君。謀及婦人中官不可也。謀及近臣不可也。唯陛下擇所以副天下望者。帝曰。壽王可乎。準曰。

聖慮既以為可。願即決定。于是立為皇太子。按壽王名元侃。又更名恒。是為真宗。其立壽王制符彩。昭融智謀宏遠。聰明文武。本于天賦之才。孝友溫恭。發自生知之性。分封大國。出尹京師。居惟秉謙。動必由禮。約已靡登。于馳道事親。靡懈于寢門。

為天下計

宋高宗紹興中。元懿太子卒。帝未有後。范宗尹常造膝請建太子。帝曰。太祖以神武定天下。子孫不得享之。遭時多艱零。落可憫。朕若不法神宗為天下計。何以慰在天之靈。于是詔知內外宗正事。廣選太祖後將育于宮中。至是選秦王德芳五世孫左朝奉大夫子備之子伯琮入宮。命張

婕妤鞠之。復取秉義郎子彥之子伯玖。命才人鞠之。尋以伯琮為和州防禦使。賜名瑗。紹興五年。封瑗為建國公。就學資善堂。十二年。進封普安郡王。三十年。以為皇子。更名脊。晉慎瑋。進封建王。三十二年。立為皇太子。更名脊。後傳位。是為孝宗。

昭敏夙成

宋真宗天禧元年。立太子制。皇子昇王。惠和天賦。昭敏夙成。發自妙年。蔚為令器。

溫文日就

宋神宗元豐八年。上疾甚。王珪上言。願早建東宮。凡三奏。降制曰。皇子延安郡王庸。溫文日就。睿知夙成。可立為皇

太子。

○太子妃

古者天子後宮嫡庶皆曰妃。周以天子正嫡為王后。秦稱皇帝因稱后為皇后。以太子正嫡稱妃。

龍枕

張敞晉東宮舊事。皇太子納妃。有漆龍頭支髻枕一。銀花銀鈕副焉。

鴨燈

東宮舊事。皇太子納妃。有金塗連盤鴨燈一。

龜鈕

沈約宋書。皇太子妃。金璽龜鈕。纁朱綬。佩瑜玉。

雀鈿

東宮舊事。太子納妃。有同心雀鈿一具。

絳地文履

舊事。太子納妃。有絳地文履一量。又有絳地織成綺綬。絳緣諸子。

漢書元帝為太子。司馬良娣死。太子悲恙。發病。宣帝令皇后擇大家人子。可以娛侍太子。有王禁女。政君與焉。時與擇者五人。政君獨衣絳緣諸子。太掖衣也。使常侍送入太子宮。見于景殿。得幸有身。立為太子妃。于甲觀畫堂生子。即成帝也。按漢外戚傳。太子有妃。有良娣。有孺子妻妾。凡三等是也。魏晉以後。咸之畫堂。太子宮中之堂。

拜庾

晉起居注。元帝大興元年。上臨軒使冊命拜晉王妃庾氏。為皇太子妃。

納賈

王隱晉書。武帝娶楊后生太子。初帝為太子謀婚。久不決。帝欲娶衛瓘女。楊后欲娶賈充女。充妻郭氏酷妬。上曰。衛公女有五可。賈公女有五不可。衛家女種賢而多子。端正而長白。賈家女種妬而少子。醜惡而短黑。郭氏使人輸物于楊后。遂納賈妃。後亂晉國。太子即惠帝。

常侍親送

漢書。車騎將軍許都文。子。上令中常侍親送至太

子宅還。白太子歡悅狀。元帝喜。謂左右曰。酌酒賀我。左右稱萬歲。後太子立為天子。即成帝也。

公主所生

晉書。安僖皇后王氏。字神受。太常王獻之女。新安公主所生。即安帝姑也。孝武帝以后少孤。無兄弟。故納為太子妃。當納。采聘王氏時。百官皆朱服。會于新安公主第。王操之為主人。

司徒公女

晉書。劉曜王彌寇洛。將諸后妃去。愍懷太子王妃拔刀向賊曰。我司徒公女。皇太子妃。必則以終不為賊婦。賊乃害之。

秘書丞女

唐太宗冊蘇曹女為太子妃。詔秘書丞蘇曹長女。門襲軒冕。家傳義方。柔順表質。幽閒成性。訓彰國史。譽流邦家。正位儲闈。實為朝典。可皇太子妃。所司備禮冊命。主者施行。

○公主

漢制天子以列侯尚公主。諸王以國人承翁主。注云尚承皆卑下之名也。公主別立舍第。令列侯就第奉事之。故曰尚。諸王女則令國人來承事之。故曰承。皆不得謁見舅姑。通問而已。天子尊令諸侯同姓者代主婚。故曰公主。諸王卑。自主之。故曰翁主。又公主曰天姬。亦曰寵主。自晉之後。帝女依西

漢制稱公主。帝之姊弟。立曰長公主。帝之姑為大長公主。自漢以來。皆置舍第府屬。至隋省府屬。唐神龍初。又置景龍末。復省之。

嬪虞

虞書。釐降二女于媯。汭嬪于虞。

嫁陳

駁音欺

初學記。昔堯女有娥。皇女英。舜妹有駁。手舜女有宵。明燭

光湯有帝乙歸妹。周武王之女嫁于陳。立未有封邑之號。至周中葉。天子嫁女于諸侯。必使諸侯同姓者主之。始謂之公主。秦漢之制亦同。後漢皇女皆封縣公主。儀服同列侯。其尊崇者。加號長公主。儀服同藩王。諸王女皆封鄉亭

公主儀服同鄉亭侯。注云：歸妹，即成湯妹。

為子求郎

見星。

為子贖罪

漢書：林慮公主子昭平，尚武帝女夷安公主。後昭平犯死罪，林慮困病，以金千斤、錢千萬為昭平贖罪。帝許之。林慮公主卒，昭平日驕，醉殺主傅母，繫獄。廷尉上奏，左右以為前入贖，陛下已許之。帝曰：「吾姊老，有此一子，必以囑我，於是為之垂涕。」良久曰：「法令先帝所造，因姊故而誣先帝之法，吾何面目入高廟乎？」遂可廷尉之奏。

賜金千斤

見上已。

獻珠四寸

列仙傳：朱仲，會稽市販珠人。高后募三寸珠，仲乃詣闕上之，賜五百金。魯元公主私以七白金從仲求珠，仲以四寸珠獻主。

以奴驂乘

東漢董宣為洛陽令。時湖陽公主蒼頭白日殺人，因匿主家，吏不能得。及主出行，以奴驂乘，宣於夏門亭候之，乃駐車扣馬，以刀畫地，大言數主之失，叱奴下車。

與僧爭碾

唐李元紘為雍州司戶。時太平公主勢震天下，嘗與寺僧

禮音穢爭碾磴。元紘斷還寺僧。刺史實從一趣令改之。元紘大署判曰。南山可移。判不可改。從一不能奪。

作配衛青

漢衛青少服役平陽公主家。後為大將軍。賢顯震天下。公主化離作配。左右以為無如大將軍。公主曰。此我家馬前奴也。不可已。而遍擇羣臣賢顯無踰大將軍者。迄歸大將軍。

力薦王維

唐王維年未弱冠。文章得名。性閑音律。遊歷諸賢之門。尤為岐王所眷重。因為于九公主。公主曰。何不遣其應舉。岐王曰。此生不得首薦。義不就試。然已承賢主論。託張九臯

作解頭矣。公主笑曰。何預兒事。本為他人所託。顧謂維曰。子誠取解。當為子力。維起謙謝。公主則召試官至第。遣官婢傳教。維遂作解頭。一舉登第。

幸祆廟

祆軒襪
二音

蜀志。昔蜀帝生公主。詔乳母陳氏乳養。陳氏携幼子與公主居禁中。約十餘年。後以宮禁。遂而出者。六載。其子以思公主疾亟。陳氏入宮。有憂色。公主詢其故。陰以實對。公主遂解。遂托幸祆廟為名。期與子會。公主入廟。子睡沉。公主遂解。幼時所弄玉環。附之子懷而去。子醒見之。怨氣成火。而廟焚。按祆廟。胡神廟也。

築真宮

六帖唐太平公主則天皇后所生儀鳳中吐蕃請主下嫁
 后不欲棄之夷乃築真宮如方士薰戒以拒和親事久之
 主乃衣紫袍玉帶歌舞帝前帝及后大笑曰兒不為武官
 何故爾主曰以賜附馬可乎帝識其意擇薛紹尚之時宰
 顛音以相七人五出主門下按薛紹與兄顛太宗女城陽公主之
 子也公主初嫁杜荷坐太子承乾事誅再適薛瓘生子顛
 紹今紹尚太平公主是以帝甥尚主矣故紹族祖戶部郎
 中薛克構曰帝甥尚主國家故事苟以恭慎行之何傷

犯清路

後魏高道穆為中尉莊帝姊壽陽公主行犯清路執赤棒
 卒呵之不止道穆令棒破其車公主深以為恨泣以訴帝

帝謂主曰高中尉清貞之人彼所行者公事豈可以私責
 之

觀戲場

唐宣宗大中二年冬十一月萬壽公主遠起居即鄭顛舊
 例公主下降以銀裝車帝曰吾欲以儉約化天下當自親
 者始命依外命婦以銅裝車仍謂公主執婦禮皆如臣庶
 之法戒以母得輕夫族預時事顛弟顛嘗得危疾帝遣使
 視之還問公主何在曰慈恩寺觀戲場帝怒嘆曰我怪士
 大夫不欲與我家為婚姻良有以也亟召公主責之豈有
 小郎病不往視乃觀戲乎由是賢戚皆守禮法如不冠之
 族

擇門令配

唐主曰。諸女嫁不以時。而選尚皆由中人。厚為財謝。乃得遣。李吉甫奏曰。自古尚主。必謹擇其人。江右悉取名士。獨近世不然。帝乃下詔。今後公主縣主。皆令有司取門閥者配焉。

就第放赦

唐安樂公主。產男滿月。中宗帝后幸其第。就第放赦。

乞為道士

太平公主。則天皇后愛之。傾諸女。國夫人歿。后馬主為道士。幸其福。主多陰謀。后嘗謂類我。而主內與謀。外檢畏終后世。無他言。後預誅二張。增號生三子。崇簡。

崇敬。崇行皆拜三品。至睿宗朝。實封至萬戶。三子封王。改為帝姬。

會要。宋朝皇祖姑。皇姑。為大長公主。皇姊妹為長公主。皇女為公主。初封多擇美名。進封乃以郡國。至特恩始有兼兩國者。政和間。詔改公主為帝姬。其稱大長者。依舊為大長帝姬。仍以美名二字。易其國號。兩國者以四字。至建炎間。臣僚上言。乞改正。依祖宗故事。從之。

請池為沼

唐安樂公主。中宗最幼女。帝遷房陵。而主生。解衣以裸之。名曰裘兒。妹秀。辯敏。后尤愛之。下嫁武崇訓。帝復位。侯王柄臣。多出其門。與太平等七公主。俱開府置官屬。而主府。

官屬尤濫皆出屠沽納貨售官降墨勅斜封授之故號斜封官王嘗請昆明池為沼帝曰先帝未有以此沼與人者主不_能因大役人徒自鑿定昆池延袤數里累石肖華山

唐懿宗咸通十年同昌公主薨右拾遺常保衡宅于光化里賜錢五百萬貫仍罄內庫寶貨以實其宅而房櫳戶牖無不以衆寶飾之使以金銀為井欄藥臼食櫃水槽鑄釜盆甕之屬仍縷金為籠籬篋筐製水精火齊琉璃等牀悉支以金龜銀塹更琢五色玉為器什合百寶為圓案

鑄音鐘
依音孤

妬晏

魏何晏婦金鄉公主即晏同母妹也公主賢明謂其母沛

王太妃曰晏為惡日甚將不保身母笑曰汝得無妬晏耶
誣道

唐九女_有公主始封高陽公主下嫁房玄齡子遺愛主帝所愛_甚而驕甚與浮屠辯機等數人私通事覺怨望遂使掖廷少陳玄運伺宮省機祥遺愛亦與薛萬徹柴令武謀奉荆王元景為主以舉事至是公主謀黜遺愛兄遺道銀青光祿大夫封爵使人誣告遺道罪上令御史長孫無忌鞠之更獲遺愛及主反狀伏誅

行盥饋禮

唐書王珪子敬道尚南平公主先是諸公主下嫁未行見舅姑禮珪曰主上欽明動循禮法吾當受公主謁見豈為

身榮所以成國家之美耳。於是與夫人坐堂上。公主執筭行盥饋之禮。乃退。又通鑑先是公主下嫁者。舅姑拜之。婦不答。唐德宗命禮官定公主見舅姑及婿諸父兄姊之儀。舅姑坐受於中堂。諸父兄姊立受于東序。如家人禮。

選公卿子

先是尚公主者皆取勲戚之家。唐憲宗始命宰相選公卿子弟。可居清貫者。諸家皆不願。惟杜佑孫司議郎杜棕不辭。遂以棕尚岐陽公主。公主上長女郭妃所生也。有賢行。杜氏大族。尊行不翅數十人。公主卑委怡順。一同家人禮。二十餘年。人未嘗以絲髮間指為賢驕。始至則與棕謀曰。上所賜奴婢。卒不肯窮屈。奏請納之。悉自市寒賤。可制指。

棕音從

者。自是閨門落然。不聞人聲。

漢陽鐵簪

唐漢陽公主名暢。永貞元初。與諸公主皆進封。時戚近爭為奢侈。而主獨以儉。嘗用鐵簪畫壁。自記田租所入。文宗尤惡世俗奢侈。因主入問曰。姑所服何年法也。今之弊何代而然。對曰。妾自貞元時辭宮。所服皆當時賜。未嘗敢變。元和後。數用兵。悉出禁藏。織麗物。賞戰士。由是散於民間。內外相矜習。以成風。若陛下示所好于下。誰敢不從。帝悅。詔宮人皆視主衣製。廣狹徧諭諸主。更勅京兆尹。禁切浮靡。

同昌王釵

同昌公主下降。有九玉釵。上刻九鸞皆九色。其上有字曰玉兒。工巧妙麗。殆非人製。或有得於金陵者。因以獻。公主公主酬之甚厚。一日主晝寢。夢絳衣奴致語云。南齊潘淑妃取九鸞釵。及覺。具以夢中之言言於左右。後公主薨。其釵亦亡其處。或曰玉兒。卽潘妃小字。

親執金鼓

唐平陽公主薨。詔加鼓吹班劍。武貴甲卒以葬。太常奏禮婦人無鼓吹。唐主曰。鼓吹軍樂也。公主親執金鼓。興義兵。以成大業。豈與常婦人比乎。

自為制敕

唐中宗女安樂公主。恃寵當官。威勢傾朝野。或自為制敕。揜其文。令上署之。上笑而從之。竟不視也。自請為皇太女。上雖不從。亦不譴責。按公主先適武三思。子崇訓。後崇訓誅。又適宗訓弟延秀。

各樹朋黨

唐太平安樂公主。各樹朋黨。更相譖斥。中宗詔武平一曰。親賢多不輯睦。何法以和之。平一以為宜斥逐奸險。抑慈存嚴。示以知禁。毋令積惡。上不能用。

屢陳利病

唐代宗立。正和公主屢陳人間利病。國家盛衰事。天子嘉納焉。

倍加資送

唐貞觀中。以長樂公主嫁長孫冲。降敕有司。資送倍于永嘉長公主。以魏徵諫而止。

禮事宗親

唐宣宗欲以授書郎于琮。尚永福公主。既而中寢宰相請問其故。上曰。朕近與此女子食。對朕輒折七筋。性情如此。豈可為士大夫之妻。乃更命琮尚廣德公主。公主懿宗之妹也。後琮為常保衡所譖。貶為韶州刺史。公主與琮皆之韶州。行則肩輿。門相對。坐則執琮之帶。琮由是獲全。時諸公主多驕縱。惟廣德勤遵法度。事于氏宗親無不如禮。內外稱之。

養饒親視

宗仁宗皇祐三年春正月。帝幸魏國大長公主第。公主未宗之女。仁宗之姑。幼不好弄。貌類太宗。下嫁李遵勗。其家客皆一時賢士大夫。每宴集。公主必親視饗饒之節。享獻太后。嘗賜金龍小冠。辭不敢服。太后訪以政事。多語祖宗舊事。以諷導。勗守許州。暴得疾。主亟欲往視。不待奏而行。從者才五六人。及居夫喪。衰麻未嘗去身。服除。不復御鮮華。嘗宴禁中。帝親為簪花。主辭曰。自誓不復為此矣。未幾病。目帝自臨視。親舐主目。左右感泣。帝亦悲慟。至是以暴疾聞。帝促駕往視。未至而主卒。乃即堂易服。奠哭。謚獻穆。

出降升行

宋英宗嘗曰舊制帝女出降輒皆升行以避舅姑之尊義甚無謂朕嘗思此寤寐不平豈可以富貴之故屈人倫長幼之序也可詔有司革之至是詔令公主行見舅姑禮者為令。

宮集三十九卷終

山堂肆考帝屬第四十卷

○親王

易稱建萬國親諸侯蓋親賢兼封也夏列九州制五服立爵五等分地有三公侯百里伯七十里子男五十里不足五十里曰附庸殷則爵列三等周又列為五等公五百里侯伯子男各百里不滿百里為附庸凡王之子弟並參封之漢興立爵二等大者王小者侯而王之號為諸侯王後漢建武初因朱祐上言悉封郡公十七年依舊制復稱王晉復封國公宋齊已後封郡公隋復封國公。

黃帝封子

黃帝二十五子。其得姓者十四。其一曰青陽。降居江水。其一曰昌意。降居若水。皆在蜀。即其所封國也。

虞舜封弟

舜踐位。封其弟象于有庠。使吏治其國。而納其貢稅焉。

封子于越

夏少康恐禹祭絕祀。乃封其庶子于越。號曰無餘。春秋祀

禹墓于會稽。

封叔于曹

武王既革殷命。乃封神農之後于焦。黃帝之後于祝。帝堯之後于薊。帝舜之後于陳。大禹之後于杞。封弟叔鮮于管。叔度于蔡。叔振鐸于曹。叔處于霍。又求泰伯仲雍之後得

周章。時周章已君吳。因而封之。其弟虞仲。封于周北。是為虞。列為諸侯。又封同母弟康叔于衛。作康誥。又作梓材。

伯禽封魯

詩魯頌。王曰叔父。建爾元子。俾侯于魯。此詩成王封伯禽于魯也。叔父指周公。元子指伯禽。

叔虞封唐

成王與弟叔虞戲。削桐葉為珪。以與叔虞。曰。以此封若。史佚請擇日。王曰。吾與之戲耳。史佚曰。天子無戲言。遂封叔虞于唐。

分以寶玉

周書。武王乃昭德之。致于異姓之邦。與諸厥服。分寶玉于

伯叔之國時庸展親

親以服膳

周禮春官以服膳之禮親兄弟之國以慶賀之禮親異姓之國

大路少帛

左定四年分魯公以大路分康叔以大路少帛

黃土白茅

漢制皇太子封為王者受天子太社之土以所封之方色如東方受青土之類是也其土藉以白茅授之歸國以立社故謂之茅土孔安國注王者封五色土為社則割方色土與之使立社煮以黃土置以白茅茅取其潔土取黃者

以覆被四方也又禮儀志漢興惟皇子封為王者得茅土其他功臣不受茅土不立社也

著盟

漢高祖刑白馬著盟誓曰非劉氏不王若有亡功非上所置而侯者天子共誅之

賜策

漢武帝元狩六年立皇子闕為齊王旦為燕王胥為廣陵王皆賜策各以國土風俗申戒焉

登陽雲臺

宋玉小言賦序楚襄王既登陽雲之臺命諸大夫景差唐勒宋玉等竝造大言賦畢而宋玉受賞又作小言賦王曰

善賜雲夢之田。

益武陵地

漢景帝二年諸王來朝有詔更前稱壽歌舞長沙定王但張東小舉左右笑其拙上怪問之對曰臣國小地狹不足廻旋帝乃以武陵零陵桂陽益焉

賜旌旗

見輿衛

定位號

東漢光武建武十五年有上書請封皇子者詔羣臣議奏曰今皇子能勝衣趨拜宜定位號以廣藩輔制曰可吳王五子傳自光武以來諸王有制惟得宮內自娛不得臨民

平與政事

築宮待士

漢書河間獻王德景帝之子脩學好古被服儒術山東諸儒多從之遊武帝時來朝獻雅樂召對三雍宮又嘗築日華宮置客館二十餘區以待學士按三雍謂辟雍明堂靈臺也雍和也言天地君臣人民皆和也

開閣延賢

漢光武卽位東平王蒼上中興頌其文典雅特令賈逵為之訓詁又嘗開東閣以延賢人明帝嘗從容問曰王在家何等最樂蒼曰為善最樂後王來朝月餘還國上送列侯印十九枚諸王子年五歲已上能趨拜者皆令帶之

親師鄒衍

史記鄒衍如燕昭王擁篲先驅請列弟子之坐而受業焉築碣石宮親往師之

敬禮申公

楚元王交漢高祖同父少弟也元王敬禮申公等穆生不嗜酒元王每置酒常為穆生設醴及王戊即位常設後忘設焉穆生退曰醴酒不設王之意怠矣不去楚人將鉗我于市遂謝病去

置之上坐

漢書齊悼惠王肥孝惠二年來朝宴飲太后前帝以王為兄置之上坐如家人禮太后怒酌醢酒賜之帝欲取飲太

后恐自起泛之

優以大封

漢光武建武二十八年徙魯王興為北海王以魯益東海帝以東海王彊去就有禮故優以大封食二十九縣賜虎簾音炬貴髦頭設鐘簾之樂擬於乘輿

求入宿衛

漢武帝時燕王旦自以次第當為太子上書求入宿衛止怒曰生子當置齊魯禮義之鄉乃置之燕果有爭乃斬其使後坐匿亡命削三縣

留侍國邸

漢成帝無嗣體常不平定陶共王來朝上謂曰我未有子

一朝有他。不復相見。爾可留待我也。因留國邸。朝夕侍止。甚見親重。

止食數縣

東漢明帝永平中。封皇子恭等六人為王。帝親定其封域。裁令半楚淮陽。馬后曰。諸子止食數縣。于制不已儉乎。帝曰。我子豈宜與先帝子等。歲給二千萬足矣。

大啟九國

漢諸侯王表。漢興之初。海內新定。同姓寡少。懲亡秦孤立之敗。於是剖裂疆土。立二等之爵。功臣侯者。百有餘邑。尊王子弟。大啟九國。諸侯比境。周匝三垂。天子自有三河。凡十五郡。公主列侯頗邑。其中而藩國國大者。跨州兼郡。連城數十。宗室百官。同制京師。可謂矯枉過其正矣。

北海畏慎

東漢北海王陸少好學。光武明帝皆愛之。嘗遣中大夫詣京師朝賀。召謂之曰。朝廷設問寡人。大夫將何以對。使者曰。大王忠孝慈仁。敬賢樂士。臣敢不以實對。睦曰。子危我哉。大夫具以孤襲爵以來。志意衰惰。聲色是娛。大馬是好。乃為相愛耳。其智慮畏慎如此。

衡山貞信

漢景帝時。七國反。吳使至衡山。衡山王勃堅守無二心。上以為貞信。徙王于濟北以褒之。

好言神僊

漢淮南王安好書。招致賓客。方術之士數千人。作為內書二十一篇。外書甚衆。中篇八卷。言神僊黃白之術。亦二十餘萬言。武帝好藝文。甚尊重之。每為報書及賞賜。常召司馬相如等視草。乃遣一日上使安為離騷傳。旦受詔。食時即上。

好治宮室

西京雜記。梁孝王好宮室。苑囿之樂。作曜華之宮。營兔園。園中有百室山。山上有膚寸石。落猿岩。鴈池。池中有鷗洲。鳧渚。日與宮人弋釣遊玩。

上綬就藩

東漢東平王蒼。自以至親輔政。聲望日重。意不自安。前後

上疏稱。自漢興以來。宗室子弟。無得在公卿位者。乞上驛騎將軍印綬。退就藩國。辭甚懇切。至是明帝乃許還國。而不聽上將軍印綬。

上縑助國

東觀漢記。東海王彊。孫慎。王肅。性謙儉。永初中。以西羌未平。上錢二十萬。元初中。上縑萬匹。以助國。

有才相忌

鄆音卷。魏陳思王曹植。十歲善屬文。初文帝即位。封鄆城侯。後徙雍丘。復封東阿王。文帝以其有才。忌之。令七步成詩。不成。將行大法。植遂應聲曰。煮豆燃豆箕。豆在釜中泣。本是同根生。相煎何太急。帝大有慙色。

不見與思

魏明帝詔先帝著令。不欲使諸王在京師者。防微杜漸。關諸盛衰也。朕惟不見諸王十有二載。悠悠之懷。能不與思。其令諸王及宗室公侯各將嫡子一人來朝。

愛子

宋文帝元嘉十八年正月。以彭城王義康為都督江交廣州軍事。前龍驤將軍扶令育上表曰。彭城王先朝之愛子。陛下之次弟。若有迷謬之愆。止可導以義方。奈何一旦黜削。遠送南垂。萬一義康年窮命盡。奄忽于南。臣雖微賤。竊為陛下羞之。陛下徒知惡枝之當伐。豈知伐枝之傷樹乎。

宗師

魏主容臨殂。手詔太子曰。汝叔父魏清規懋德。松竹為心。吾百年後。其聽。魏辭。蟬冕。以遂其冲挹之性。

素服往哭

魏廣川王諧卒。魏主曰。古者大臣之喪。有三臨之禮。魏晉以來。王公之喪。哭於東堂。自今諸王之喪。期親三臨。大功再臨。小功總麻一臨。罷東堂之哭。廣川王於朕。大功也將。大斂。素服深衣。往哭之。按臨。作去聲。顏師古曰。衆哭曰臨。

白服侍宴

宋元嘉之世。諸王入齋閣。皆白服。帛帽。唯出太極四廟。乃備朝服。自後此制遂絕。齊主於豫章王疑友愛。聽依元嘉故事。疑固辭。唯車駕至其第。乃白服烏帽侍宴。

帛古裙字

帥兵達義

魏侍中元叉殺清河王暉。幽太后於北宮。中山王熙起兵討元叉。不克而死。熙將死。與故知書曰。太后見廢北宮。清河橫受屠酷。主上幼年。獨在前殿。君親如此。無以自安。故帥兵民欲建大義於天下。但智力淺短。旋見囚執。上慙朝廷。下愧相知。本以名義干心。不得不爾。流腸碎首。復何言哉。

章醮求福

隋煬帝待諸王恩薄。多所猜忌。滕王綸。衛王集。憂懼。呼術者問吉凶。及章醮求福。或告其怨望。咀呪降名。徙邊。

出租賑人

晉書齊王攸令國中文武下至士卒。法令不食廩賜者。皆以秩賦與疾病死亡者。時有水旱。出租稅加十二。賦以賑國人。須豐年乃收入本直。

侍宴諷王

婢音梓齊武陵王暉多才藝而疎婢。亦無寵。嘗侍宴。醉伏地。貂抄肉。梓帝笑曰。肉汚貂。對曰。陛下愛羽毛而疎骨肉。齊主不悅。按齊主蕭道成也。

招士著書

唐魏王泰。太宗庶子也。性好學。司馬蘇勗說泰以古之賢王。招士著書。故泰請修括地志。於是大開館舍。門庭如市。分朋角勝。

唐高宗上元元年。上御翔鸞閣觀大酺。分音樂為東西。朋使雍王賢主東。朋周王顯主西。朋角勝為樂。郝處俊諫曰。二王春秋尚少。志趣未定。當推梨讓棗。相親如一。今分二朋。迥相誇競。非所以崇禮義。勸敦睦也。上瞿然曰。卿遠識。非衆人所及也。遽止之。

作十王宅

唐玄宗諸子。同為大宅。分院而居。開元十五年。夏五月。作十王宅。百孫院。每王院宮人四百餘。百孫院六。三四十人。禁中置維城庫。以給諸王月俸。宣宗大中間。又作五王院。置五王帳。唐玄宗素友愛。初卽位。置五王帳。為長枕大被。與兄弟同。

寢朝罷。多從諸王遊禁中。拜跪如家人禮。飲食起居。相與同之。按諸王。謂宋王成器。申王成義。上兄也。岐王範。薛王業。上弟也。幽王守禮。上從兄也。後成器改名憲。宋王改為靈王。

立為郡王

唐宗室道宗為靈州總管。梁師都引突厥數萬圍之。道宗乘間出擊。大破之。斥地千餘里。唐主以道宗武幹。立為任城郡王。

降為縣公

唐高祖初欲強宗室以鎮天下。自三從昆弟以上。雖童孺亦封為王。封德彝以為今封爵太廣。恐非所以示天下。至

公。上曰然降宗室郡王皆為縣公。惟有功者數人不降。

請獻坊宅

唐宋王成器等請獻興慶坊宅為離宮。許之。乃賜成器等宅。環于宮側。又于宮西南置樓曰花萼相輝。南曰勤政務本。

收復京師

唐肅宗子建寧王倓為李輔國張良娣所譖。賜之。廣平王俶收復二京。使李泌獻捷。從容言及建寧之寃。上泣下曰。先生之言是也。然既往不答。朕不欲聞之。泌曰。臣非咎既往。乃欲陛下慎將來耳。昔高宗子八人。武太后所出者四人。長曰太子弘。后方圖稱制。惡其聰明。醜殺之。立次子

賢。賢內憂懼。作黃臺瓜辭。冀以感悟太后。太后不聽。賢亦廢。其辭曰。種瓜黃臺下。瓜熟子離離。一摘使瓜好。再摘使瓜稀。三摘猶為可。四摘抱蔓歸。今陛下已一摘矣。慎無再摘。上愕然曰。安有是哉。朕當書紳。是時廣平王有大功。良娣忌而譖之。故泌言及之。

三為太傅

後魏睢陽王欣。大統中為太傅。文帝謂曰。王三為太傅。再為太師。自古人臣。未有此例。欣遜謝而已。

五拜太師

會要。宋朝親王拜太師者五人。楚王元佐。燕王儼。吳王灝。俱音文。燕王俟。越王德。皆以父兄行而得之。紹興中。嗣秀王伯圭。

以宗室特拜太師蓋以光宗為親叔父用優禮也。

深自沉晦

宋太宗第八子荆王儼廣穎豐頤嚴毅不可犯名聞外夷呼為八大王遼人入使必問王安否莊敬臨朝自以屬尊望重恐為太后所忌深自沉晦。

不受掬推

許王宋太宗子也為開封尹被中丞彈奏太宗正劾之王奏曰臣為天子兒今犯中丞而被推掬上曰朝廷之制孰敢違之朕有過羣臣當糾擯況汝為開封尹豈可不舉劾卒罰之。

○宮嬪

易剝卦貫魚以宮人寵。無不利。象曰：以宮人寵終無尤也。按后妃羣妾以禮進御于君所則女史書其日月授之以環以進退之生子月辰則以金環退之當御者以銀環進之著于左手既御著于右手事無大小記以成法。

齊多內寵

左僖十七年齊侯之夫人三王姬徐嬴蔡姬皆魚子又好內多內寵內嬖如夫人者六人長衛姬生武孟少衛姬生惠公鄭姬生孝公葛嬴生昭公密姬生懿公宋華子生公子雍。

漢置小職

經顯平

漢因秦制。正嫡曰皇后。其餘內職有夫人、美人、良人、八子、七子、長使、少使之號。武帝加婕妤、嬪、娥、華、容、充衣。元帝加昭儀。又有五宮、順常、無涓、共和、娛靈、寶林、良史、夜者之小職。

習禮獻吳

見山土城山

竊符救趙

秦圍趙。趙平原君夫人魏公子無忌姊也。平原君數請救于公子。公子請魏王救晉鄙。救趙王畏秦不聽。無忌用侯生計。請如姬盜晉鄙兵符于王臥內。殺晉鄙將兵八萬。破秦師于邯鄲下。

貴人美人

漢光武中興。並省前制。正嫡之外。唯立貴人、美人、綵女之號。

上嬪下嬪

北齊書。文宣雖有嬪御之稱。未有員數。至武成依古制。有三夫人、九嬪、二十七世婦、八十一御妻。又置左右昭儀。比丞相。立弘德、正德、崇德夫人。比三公。光武昭訓。崇徽為上嬪。比三卿。宣猷、凝輝、宣明、順華。光訓為下嬪。比六卿。世婦比三品。御妻比五品。並採擇嘉名。以為題目。此外又置才人、綵女。以為散號。後主又置娥、英、淑、妃之職。不載立車。

列女傳華孟姬者齊孝公之夫人也從孝公遊琅琊車奔
 姬隨車碎孝公使駟馬立車載姬以歸姬遣傳母授使者
 曰妾聞后妃踰闕必乘安車輜駟下堂必從傳母保阿進
 退則鳴玉佩環內飾則結紐綢繆野處則帷裳擁蔽今立
 車無駟非所敢受命也野處無帷非所敢久居也二者失
 禮多矣使者馳以告更取安車然後歸

辭與同輦

班婕妤左曹越騎校尉况之女司空掾彪之姑也少不
 學成帝選入宮初為少使俄而大幸為婕妤居增舍帝
 嘗遊後庭欲與同輦載婕妤辭曰觀古圖畫賢聖之君皆
 有九臣在側三代末室乃有嬖妾今欲妾同輦得無近似

之乎上善其言而止婕妤生二男竝失之一歿陽祿一歿
 柘館

賜姓

漢自鴻嘉之後帝稍隆內寵婕妤進侍者李平平得幸為
 婕妤賜姓衛所謂衛婕妤是也

圖形

漢書孝武帝李夫人本以倡進兄延年性知音善歌舞每
 為新聲延年侍上酒酣起舞歌曰北方有佳人絕世而獨
 立一顧傾人城再顧傾人國不惜傾城國佳人難再得帝
 大息曰善哉世豈有此人乎平陽王因言延年有女弟上
 乃召見之實妙麗善舞由是得幸生一男是為昌邑哀王

初夫人病篤。上臨候之。夫人謝不可見。願以王及兄弟為託。姊妹讓之。夫人曰。我以容貌得幸。今見我毀壞。必畏惡。棄我。尚肯追思。憫錄其兄弟哉。夫人卒。上憐憫之。畫其形於甘泉宮。

輿音就

鄭裒進讒

魏王遺楚王美人。王悅之。夫人鄭裒知王之悅之也。愛之甚于王。王曰。婦人所以事夫者。色也。而妬者。其情也。今鄭裒知寡人之所悅。其愛甚于寡人。此孝子所以事親。忠臣所以事君也。鄭裒既知王以為不妬。因謂美人曰。王愛子甚矣。然惡子之鼻。子見王必掩其鼻。美人從之。王謂鄭裒曰。美人見寡人必掩其鼻。何也。對曰。似惡聞王之臭。王曰。

剗音義 悍哉。令剗之。

樊姬諫獵

列女傳。楚莊王好獵。樊姬數諫不止。乃不食禽獸之肉三年。王感之。而勤政事。又嘗進女於王。勝已者二人。如已者七人。

竹下圍棋

見八月

枝上掛銀

吳主權潘夫人。父坐法。夫人輸入織室。夫人容態少儔。為江東絕色。有聞於吳主。使圖其容貌。工人寫其真狀。以進吳主。見而喜悅。曰。愁貌尚能感人。况在歡樂。乃命雕輪就

織室納於後宮。每與夫人游。昭宣之臺。夫人酣醉。唾於玉壺中。使侍婢瀉於臺下。得火齊指環。卽掛石榴枝上。因其處起臺。名曰環榴臺。時有諫者曰。今吳蜀爭雄。還劉之名。將為妖矣。權乃翻其名曰榴環臺。

引朝儀

文昌雜錄。唐制。天子坐朝。宮人引至殿上。故杜子美詩。戶外昭容紫袖垂。雙瞻御座引朝儀。至天祐間。詔宮嬪女職。本備內任。今後每遇延英坐日。只令小黃門祇候。引從宮人不得出外。自此始也。

掌制命

唐中宗時。上官儀女婉兒者。沒入掖庭。明習吏事。太后愛之。及上卽位。使掌制命。拜為婕妤。武三思通焉。

金環照骨

西京雜記。戚夫人以百鍊金為環。照見指上骨。上惡之。以賜伴兒。鳴玉耀等各四枚。

玉簪搔頭

漢武帝過李夫人。就取玉簪搔頭。自此宮人搔頭。皆用玉為之。

按圖召幸

漢書。王嬙字昭君。齊國王穰女。南郡秭歸人。漢元帝後宮人。既多不得常見。乃使畫工圖其形。按圖召幸。宮人皆賂畫工。昭君自恃其貌。獨不與畫工。遂毀其形。及匈奴入朝。

選宮人配之。昭君以圖當行，入辭，光彩射人，竦動左右。天子重信外國，悔恨不及。窮按其事，畫工毛延壽，安陵陳敞，新豐劉白，龔寬，杜陵楊望，樊青等，皆同日棄市，籍其貲財。漢人憐昭君遠嫁，為作詩歌以哀之。後昭君服毒歿，舉國葬之。胡中胡地皆白草，而此塚草獨青，故曰青塚。或曰昭君字嬙，後晉文帝諱，改為明妃。號寧胡閼氏。

聞鐘起粧

齊武帝以內宮深隱，不聞端門鼓漏聲，置鐘於景陽樓上。應及三鼓，宮人聞鐘早起粧飾。

飛燕傳

趙飛燕傳，馮萬金工理樂器，世事江都王，為協律舍人。

江都王孫女姑蘇主嫁江都中尉趙曼，萬金又事曼。曼幸萬金，食不同器，不飽。萬金因得與王通曼，性暴妬，且早有疾，不能近婦人。王有娠，恐乃稱疾居王宮，一產二女，歸之萬金。長曰宜王，次曰合德。然皆冒趙姓。宜王聰悟，家有彭祖方脈之書，善行氣術，長而纖便，輕細舉止，翻然人謂之飛燕。合德膚滑，出浴不濡，善歌，知音，皆絕色也。後萬金歿，馮氏家敗，飛燕妹弟流轉至長安，與陽阿王家令趙臨共里巷，託附臨。稱臨女，後飛燕緣王家大人得入宮。成帝召幸，號趙皇后。有樊嬙者，為承光司帶，進言飛燕有女弟，合德美容體性純粹，不與飛燕比。帝即召入宮，合德新沐膏，九迴沉水香，為卷髮，號新興髻，為薄眉，號遠山黛。施小朱

嬙音意
帝音亦

號慵耒粧。帝大悅。謂為溫柔鄉。謂嫔曰。吾老是鄉矣。不能效武帝求白雲鄉也。有宣帝時。披香博士淳方成。白髮教授宮中。號淳夫人。在帝後。唾曰。此禍水也。滅火必矣。後帝廢皇后許氏。立飛燕為后。既立。寵少衰。而其女弟合德。絕幸為昭儀。居昭陽宮十餘年。卒無子。後帝無疾而崩。民間歸罪于昭儀。昭儀乃自殺。

足如新月

道山新聞。李後王宮嬪。宵娘。織麗善舞。後王作金蓮。高六尺。飾以寶物。令宵娘以帛纏足。織小屈。上如新月。狀着素襪。舞金蓮之上。體勢回旋。有凌雲之態。唐鎬詩曰。蓮中花更好。雲裏月常新。因宵娘作也。由是後人效之。婦人之足。

以弓小為好。以此知婦人纏足。自五代以來。乃為之。

縛袂

漢武帝所幸宮人。名麗娟。年十四。玉膚柔軟。吹氣勝蘭。不欲以衣纓拂之。恐體痕也。每歌。李延年和之。嘗於芝生殿。唱迴風之曲。庭中花皆翻落。置麗娟於明離之帳。恐塵垢汗其體也。帝嘗以衣帶縛麗娟之袂。閉於重幙之中。恐隨風而去也。

持裙

漢成帝於太液池。作千人舟。號合宮之舟。欲趙飛燕戲於池。飛燕歌歸風送遠之曲。帝以文犀簪擊玉甌。令后所愛侍郎馮無方吹笙。以倚后歌。中流歌酣。風大起。后揚袖曰。

僂乎僂乎去故而就新寧忘懷乎帝曰無方為我持后無
方捨吹持后裙久之風止裙為之縐后泣曰帝恩我使我
僂去不得他日宮妹幸者或褰裙為縐號留僂裙一說帝
嘗與飛燕戲太液池每輕風時至飛燕殆欲隨風入水帝
以翠纓結飛燕之裙後飛燕失寵常怨曰妾微賤何得復
與結裙之遊

為八字眉

漢武帝令宮人為八字眉

合四氣香

吳主亮愛姬四人一名朝姝二名麗居三名洛珍四名潔
華使四人坐琉璃帳內而外望之如魚隔惟香氣不通於

外為四人合四氣香凡經踐躡宴息之處香氣沾衣歷年
彌盛百浣不歇又因名百濯香

當熊

漢書漢元帝幸虎圈關獸熊逸出圈攀檻欲上馮婕妤直
前當熊而立上問何故對曰猛獸得人而止妾恐熊至御
坐故身當之

引羊

晉武帝平吳之後復納孫皓宮人數千自此掖庭殆將萬
人而並寵者甚眾莫知其所適常乘羊車恣其所之至便
宴寢宮人乃取竹葉挿戶以鹽汁洒地而引帝車

丹脂點頰

拾遺記。吳孫和悅鄧夫人。嘗置膝上。和月下弄水精如意。誤傷夫人頰。血污袴帶。醫者曰。得白獺髓。雜玉與琥珀屑。當滅痕。及差有赤點。更益其妍。諸嬖人更以丹脂點頰。以要寵。

絳紗繫臂

晉武帝胡貴嬪名芳。鎮軍胡奮女也。帝多簡良家子。以充內職。自擇美者。以絳紗繫臂。芳既入選。下殿號泣。左右止之曰。陛下聞聲。芳曰。死且不畏。何畏陛下。帝每有顧問。不飾言辭。率爾而答。進退方雅。始有專房之寵。帝嘗與樛蒲爭失。遂傷上指。帝怒曰。此固將種也。芳曰。北伐公孫。西距諸葛。非將種而何。帝慙。

號曰針神

崔豹古今注。魏文帝宮中有最寵者。曰莫瓊樹。薛夜來。陳尚衣。陳巧笑。四人。日夕在側。瓊樹乃製蟬鬢。縹緲如蟬翼。巧笑以妬錦線。作紫粉拂面。尚衣能歌舞。夜來善為衣裳。一時冠絕。又按夜來本名靈芸。父名業。為鄆鄉亭長。母陳氏。隨業舍于亭傍。靈芸年十七。容貌絕世。咸熙中。谷習出守常山。聞亭長有美女而家甚貧。時文帝選良家子女。以入六宮。習以千金寶賂聘之。因以獻帝。甚承寵愛。改名曰夜來。夜來妙於針功。雖處深幃重幄之內。不用燈燭之光。裁製立成。非夜來所縫製。帝不服也。宮中號曰針神。

謂之機絕

吳主權趙夫人善畫巧妙無雙能于指間以綵絲織雲霞
龍鳳之錦大則盈尺小則方寸宮中謂之機絕。

選為尚書

魏明帝耽於內寵自貴人以下至掖庭洒掃凡數千人選
女子知書可付任者六人以為女尚書使典外奏事。

呼為學士

蔡音焚唐貝州人宋廷蔡世以儒聞能詞章生五女若華若昭若
倫若憲若荀皆警慧長若華善屬文若昭其次也文尤高
潔不欲歸人欲以學名家若華誨諸妹若嚴師著女論語
十篇以常文宣君代孔子曹大家等為顏冉推明婦道所
宜若昭又為傳申釋之貞元中李抱真表其才德宗召入

家音姑

禁中試文章問經史帝高其風操不以妾侍命之呼為學
士穆宗立以若昭尤通練拜尚宮歷憲穆敬三朝皆呼先
生后妃諸王皆待以師禮寶曆初卒贈梁國夫人

願帝均澤

東漢順帝時梁商女為貴人嘗持被引御從容辭於帝曰
夫陽以博施為德陰以不專為義螽斯則百福之所由興
也願陛下思雲雨之均澤識貫魚之次序使小妾得免罪
謗之累帝由是賢之陽嘉元年立為后

願國有嗣

元魏故事凡立嗣子輒先殺其母魏主詔母胡克華武始
伯國珍之女也初入掖庭同列以故事祝之曰願生諸王

公主勿生太子。克華曰。妾之志異於諸人。奈何畏一身之
 死。而使國家無嗣乎。及有身。同列勸去之。克華不可。私誓
 曰。若幸而生男。次第當長。男生身死。所不憾也。既而生詡。
 賜苔
 晉元帝時。外國人蔓金苔。宮人有被幸者。以苔賜之。光照
 一室。又名夜明苔。

題葉

晉顧况在洛。乘閑遊苑中。水上得大桐葉。有詩云。一入深
 宮。去年年不見春。聊題一片葉。寄與有情人。明日况於上
 流。亦題杏葉。泛之波中。曰。花落深宮鶯亦悲。上陽宮女斷
 腸詩。帝城不禁東流水。葉上題詩寄與誰。後有客尋春苑

中。又於杏葉上得詩云。一葉題詩出禁城。誰人酬和獨含
 情。自嗟不及波中葉。蕩漾尋春取次行。又唐僖宗時。有于
 祐。晚步禁溝。拾一紅葉。上有詩。流水何太急。深宮盡日間。
 殷勤謝紅葉。好去到人間。祐復題云。曾聞葉上題紅葉。葉
 上題詩寄阿誰。置御溝。逆流入宮。為宮女韓翠蘋拾之。後
 祐託韓泳門館。因帝放宮人。泳以與韓翠蘋同姓。作伐嫁
 祐。及成禮。韓于箱中紅葉。上有詩。驚曰。此吾作。吾水中亦
 得一葉。即祐所題。於是相對感嘆。曰。事豈偶然。莫非前定。
 一日。泳開宴於館。謂韓曰。今人可謝媒人矣。韓笑。因作感
 懷詩一首。或云。御溝得紅葉。是盧渥事。

投錢侍寢

唐明皇未得貴妃時。宮中妃嬪輩。投金錢賭侍帝寢。及召入妃子。遂罷此戲。又清異錄。開元中。後宮繁衆。侍御寢者。難於取捨。為彩局兒。以定之。集宮嬪用骰子。擲最勝者一人。乃得專夜。故宮中私號骰子。為剝角媒人。

陳饌求恩

明皇與貴妃。每至七月七夕。在華清宮遊宴。時宮女輩。陳瓜果酒饌於庭中。求恩澤於牽牛織女也。

司花

隋煬帝幸江都。長安進御車女袁寶兒。年十五。腰肢纖障。駭態多態。帝寵愛之。時洛陽進合帝迎輦花。云得之嵩山塢中。香氣芬馥。或惹襟袖。移日不散。帝令寶兒持之。號曰

燕音蚪

司花女。時詔虞世南草征遼指揮德音。敕於帝側。寶兒注視久之。帝謂世南曰。昔傳飛燕可掌上舞。朕嘗謂儒生飭於文字。豈人能若是乎。及今見寶兒。方昭前事。今注目於卿。卿才人。可便嘲之。世南應詔為絕句云。學畫鴟黃未半成。垂肩鞞袖太憨生。緣憨却得君王惜。長把花枝傍輦行。上大悅。

鞞音采

投果

唐劉晏以神童為秘書省正字。明皇召見於勤政樓中。貴妃坐於膝上。為畫眉。施粉黛。與之巾櫛。宮人遺花投果。貴妃令詠王大娘戴竿。晏應聲曰。樓前百戲競爭新。惟有長竿妙入神。誰謂綺羅翻有力。猶自嫌輕更看人。

囊中得詩

隋煬帝作迷樓。每一幸。卽經月。宮人無數。多不得進。有侯夫人者。有美色。忽自縊於棟下。臂懸錦囊。左右取以進。中有詩五首。其一云。庭絕玉輦迹。芳草漸成窠。隱隱聞簫鼓。君恩何處多。

袍中有詩

唐開元中。所賜邊衣。俱製自宮中。有一軍校於袍中得一詩。沙場征戍客。寒苦若為眠。戰袍經手作。知落阿誰邊。留意多添線。含情更着綿。今生已過也。重結後生緣。持以白帥。帥以聞明皇。以詩徧示宮中。曰。作者勿隱。不汝罪也。有一宮人自言萬死。帝卽命嫁。得詩者曰。與汝結今生緣。

入宮記曲

唐張紅紅善歌舞。每聽新聲。一遍卽記節奏。入宮號記曲娘。

對御奏歌

唐宮妓永新善歌。最受明皇寵愛。每對御奏歌。雖絲竹之聲。莫能過。帝謂左右曰。此女歌值千金。

令振肢體

煙花錄。隋煬帝每就枕。必令侍兒振動肢體。方得美睡。帝因呼為來夢兒。

重拭淚痕

唐柳公權侍武宗於內庭。武宗嘗怒一宮人。久之復召。謂

公權曰朕怪此人若得學士一詩當釋然矣公權畧不佇思而成曰不分前時忤主恩已甘寂寞守長門今朝却得君王顧重入椒房拭淚痕上大悅令宮人上前拜謝之

效作宮詞

後山詩話青城人費氏女五代時以才色入蜀宮李後主嬖之號花蕊夫人效王建作宮詞百首後國亡入宋備後宮太祖召使陳詩即誦云君王城上監降旗妾在深宮那得知四十萬人齊解甲並無一箇是男兒

干撓府政

宋龐籍為開封判官尚美人方有寵遣宦者擅稱教旨免工人市繇公上言祖宗以來未有美人擅稱教旨干撓府

政者上怒切責美人仍詔諸官府自今有宮中之命毋得施行

寢居上前

唐張良娣性巧慧能得上意從肅宗來朔方良娣每寢常居上前上曰御寇非婦人所能良娣曰倉卒之際妾以身當之殿下可從後逸至靈武產子三日起縫戰士衣上止之對曰此非妾自養之時上以是益賢之

坐與后等

宋哲宗劉婕妤嘗同孟皇后朝景靈宮訖事就坐嬪御皆侍立婕妤獨背立簾下后閣中陳迎兒訶之不顧閣中皆忿會冬至朝太后于隆祐宮后座朱繡金飾婕妤亦欲得

之從者知其意。易座與后等。眾弗能平。因傳唱曰。皇太后出。后起立。婕妤亦起。尋復坐。則或已徹。婕妤座。遂仆於地。懟不復朝。泣訴於帝。內侍郝隨謂婕妤曰。母以此戚戚願為大家早生太子。此座正當。婕妤有也。後章惇陰附。婕妤廢。孟后立之。

宮集四十卷終

山堂肆考帝屬第四十一卷

○宗室

神堯之子。封十有八人。周有天下。封國七十。而同姓者。居五十三焉。後世不以為私。蓋所以隆本支。崇屏衛也。

河許葛藟

詩王風綿綿葛藟。在河之許。言葛生於河之涯。得其潤澤。喻王之同姓。得王之恩施。以生長其子孫也。按此解。與今詩不同。

公室枝葉

左文七年。宋昭公將去羣公子。樂豫曰。不可。公族。公室之

枝葉若去之則本根無所庇廕矣。

公姓公族

振音真詩周南麟之趾。振振公子。麟之定。振振公姓。麟之角。振振公族。又唐杜牧書春秋諸侯之子稱公子。公子之子稱公孫。公孫之子稱公族。

維翰維城

詩大雅。价人維藩。大師維垣。大邦維屏。大宗維翰。懷德維寧。宗子維城。

以宗盟為長

左隱十一年。滕侯薛侯來朝。爭長。公使羽父請於薛侯曰。周之宗盟。異姓為後。若辱貺寡人。則願以滕侯為請。薛

侯許之。乃長滕侯。

以毀言見疏

屈原名平。與楚王同姓。仕於懷王。為三閭大夫。入則與王圖議政事。決定嫌疑。出則監察羣下。應對諸侯。謀行職脩。王甚任之。原同列上官大夫。及用事臣。勸尚妬害其能。共譖毀之。王疏屈原。原心煩亂。遂赴汨羅江。自沉而死。

畏盛滿

漢河間獻王德。字路叔。脩黃老術。少時數言事。召見甘泉。武帝謂之千里駒。昭帝初。為祭酒丞。後為祭酒。妻死。大將軍欲以女妻之。德不敢娶。畏盛滿也。

遵繩墨

漢朱浮傳。光武即位。自宗室諸侯。至外家后戚。皆奉遵繩墨。無黨親之名。至或乘車牛。齊于編人。斯固法令整齊。下無作威者也。

劉向博學

拾遺記。劉向字更生。校書天祿閣。夜有老人著黃衣植青藜杖。杖端出火。以照向。云我是太乙之精。聞卯金之子。有博學者。下而觀焉。出懷中玉牒授向。乃天文地理之書。按向年十二。以父德任為輦郎。以行修飾。擢諫議大夫。

辟疆能文

漢劉辟疆。好讀書。能屬文。武帝時。以宗室子隨二千石。議論冠諸宗室。

宗室領袖

北魏宗室澄。少好學。文明太后曰。此兒風神秀發。當為宗室領袖。

宗室標的

唐宗室贊景元子孫。當草昧之初。乘運而奮。皆欲顯為世豪。至河間之功。江夏之畧。可謂宗室標的者也。

李勉廉介

唐李勉。鄭惠王曾孫。字玄卿。少喜學。內沉雅。外清整。其在朝廷。鯁亮廉介。為宗臣表。

長吉詞章

唐李賀。字長吉。七歲能詞章。每旦出騎弱馬。從小奚奴。背

古錦囊遇所得好句。出投囊中。及歸足成。日率如此。母從探囊中書多。怒曰。是兒要嘔出心肝乃已。

國師

東漢劉歆。字子駿。與父向領校秘書。講六藝傳記諸子詩賦。數術方技。王莽篡位。歆為國師。

宗老

南史梁蕭琛為侍中。武帝呼為宗老。

宗室授任

晉惠炎懲魏氏孤立之敝。故大封宗室。授以職任。又詔諸王。皆得自選國中長吏。齊王攸獨不敢。皆上請。

宗室爭權

晉祖逖曰。晉室之亂。由宗室爭權。自相魚肉。枝葉先除。

劉裕志移晉鼎。先除枝葉。于是宗室司馬國璠遠禍。出奔於秦。

魚鳥不及

隋宗室舊制。在宮有出入之防。有不許外交之禁。故梁忠烈曰。吾不及魚鳥遠矣。魚鳥飛浮任其志。惟吾之進退。常在入掌握。若使吾終與魚鳥同游。則去人間如脫屣耳。

為枝江丞

唐宗室李高。字元盛。少孤。事母孝。始為枝江丞。荊州長史張柬之曰。帝室千里駒也。

為任城王
見親王。

領軍專政

後魏宗室。明帝時以領軍專政。臥婦人於食輿。以帕覆之。輿入禁中。直衛雖知。莫敢言者。

輕財好施

唐李白。隴西成紀人。西涼武昭王李暠九世孫。輕財好施。客遊任城。與孔巢父等居徂徠山。日沉飲。賀知章言於玄宗。召見金鸞殿。論當世事。奏頌一篇。帝賜食。親為調羹。詔供奉翰林。以高力士譖不得用。後居匡廬。坐永王璘事。長流夜郎。會赦還。依族人當塗令李陽冰。卒。葬於青山東麓。

宗室宰相

唐宗室叙。宗室以宰相進者九人。林甫奸諛。幾亡天下。李程和柔。在位無所發明。其餘皆以才稱職。號為賢宰相。

宗室學士

唐李程以宗室擢進士宏詞科。為學士。

宗子及第

宋英宗在濮邸時。與燕王宮族人世雄甚善。兩家各生子。英宗子。是為神宗。而世雄子。名曰令鑠。後神宗即位。令鑠進士及第。為宗子登科第一。

宗子狀元

宋制宗子。特立學以養之。而取才焉。其出身仕宦。與庶

略等。如嘉王為狀元。趙汝愚為宰相。尤其顯者。

召試詩賦

宋皇祐五年。右親龍武大將軍趙克棟。上擬試詩賦論十卷。且隨舉八人赴殿試。上曰。宗子好學。亦朝廷美事也。令學士院召試三題。既中等。遷右衛大將軍。

裁損恩數

宋王荊公作相。裁損宗室恩數。於是宗子相率馬首陳狀。訴云。均是宗室子孫。且告相公看祖宗面。荊公厲聲曰。祖宗親盡。亦須祧。何況賢輩。於是皆散去。

汝愚去奸

趙汝愚。宋宗室也。當淳熙之朝。以一言而去王抃之奸。按

汝愚。楚王元佐七世孫。

安仁脩牒

宋真宗以趙安仁為宗正卿。重修王牒屬籍。又為僊源積慶圖。

○外戚

史記外戚世家。自古受命帝王。及繼體守文之君。非獨內德茂也。蓋亦有外戚之助焉。

屯戍母家

詩王風揚之水。不流束薪。彼其之子。不與我戍申。蓋刺周平王不撫其民。而遠屯戍於母家也。按申。姜姓之國。平王之母家。

褒賞舅氏

詩大雅王命申伯。式是南邦。因是謝人。以作爾庸。申伯番。音難。番既入於謝。徒御嘽嘽。周邦咸喜。戎有良翰。不顯申伯王之元舅。文武是憲。

不私廣國

漢張蒼免相。文帝以皇后弟竇廣國有賢行。欲相之。曰。恐天下以吾私廣國。乃以申屠嘉為丞相。按廣國字少君。

不用野王

漢御史大夫李延壽卒。在位多舉馮野王。上曰。吾用野王為三公。後世必謂我私。後宮親屬野王。嘆曰。人皆以女寵貴。我兄弟獨以女賤。按漢以御史大夫為三公。故曰吾用。

野王為三公

薄昭殺使

薄昭殺漢使者。文帝不忍加誅。使公卿從之飲酒。欲令自引分。昭不肯。使羣臣喪服往哭之。乃自殺。按薄昭。薄太后之弟。文帝之舅。

田蚡傲兄

史記田蚡者。孝景王皇后同母弟也。辯有口。學槃孟諸書。王太后賢之。景帝後三年。封為武安侯。武帝即位。蚡以肺腑為相。權移主上。嘗召客飲。坐其兄蓋侯南向。自坐東向。以為漢相尊。不可以兄故私撓。由此滋驕。治宅甲諸第。田園極膏腴。前堂羅鐘鼓。立曲旃。後房婦女以百數。按田蚡。

為王后同母弟者后母臧兒故燕王臧荼孫也先嫁為槐里王仲妻生男信與兩女仲死更嫁長陵田氏生男蚡與勝故蚡為后同母弟也信即蓋侯王皇后兄亦蚡之同母兄也兩女即后與姁兒也臧兒卜兩女皆當貴後將少女姁兒亦入景帝宮生四男而姁兒早卒勝蚡嫡弟也武帝即位封勝為周陽侯尊皇太后母臧兒為平原君史記王太后家三人為侯三人指蚡信勝也

封扶柳侯

漢外戚侯表扶柳侯呂平以呂后姊長姁之子封侯師古汪平既呂氏所生不當姓呂蓋史家唯記母族也

封章武侯

漢文帝竇后弟廣國與兄長君厚賜田宅家於長安周勃灌嬰等曰吾屬不效命且懸此兩人兩人所出微不可不為擇師傅又復效呂氏大事也於是乃選士之有節行者與居兩人由此為退讓君子不敢以尊貴驕人景帝立封廣國為章武侯長君前死封其子彭祖為南皮侯吳楚反竇太后從昆弟子竇嬰任俠自喜將兵以軍功為魏其侯三子受封

漢武帝元光六年匈奴寇上谷遣車騎將軍衛青將兵擊却之賜青爵關內侯元朔二年匈奴入上谷漁陽青擊走之取河南地立朔方郡詔封青長平侯五年匈奴寇朔方遣青率六將軍擊之右賢王潰圍去得裨王十餘人眾萬

五千餘人。天子使使者持大將印。即軍中拜青為大將軍。益封八千七百戶。封青三子。長伉為宜春侯。次不疑為陰安侯。次登為發干侯。按青字仲卿。武帝衛皇后子。夫之弟。尚景帝王皇后長女平陽公主。

四姓授業

東漢明帝崇尚儒學。為外戚樊氏郭氏陰氏馬氏諸子。立學於南宮。號四姓小侯。置五經師。搜選高能。以授其業。

賜博平君

漢宣帝地節四年春二月。賜外祖母號為博平君。初上即位。數遣使求外家。至是得王媪及其男無故武。賞賜巨萬。封列侯。按無故武王媪男名。初衛太子納史良娣。生子進。

亡音以 號史皇孫。皇孫納王夫人生病已。故王氏為帝外家。

封平恩侯

漢元帝封外祖父平恩戴侯。同產子弟許嘉為平恩侯。奉戴侯後。注云戴侯許廣漢也。乃宣帝許后之父。後元帝又選許嘉之女以配太子。是為成帝。

王音忠直

漢成帝外戚中。唯車騎將軍王音為脩整。數諫正。有忠直節。

梁商謙柔

東漢梁商字伯夏。順帝選商女為后。拜商為大將軍。商自以戚屬居大位。每存謙柔。虛已進賢。辟李固周舉為從事。

中郎京師翕然稱為良輔。

匿情求名

漢成帝永始元年封王太后弟子莽為新都侯莽爵位益尊節操益謙賑施賓客收贍名士嘗私買侍婢昆弟怪之莽因曰後將軍朱子元魚子莽聞此兒種宜子為買之即日以婢奉博其匿情求名如此。

上疏勸政

東漢馬廖上疏太后曰昔元帝罷服官成帝御浣衣哀帝去樂府然而侈費不息至於衰亂者百姓從行不從言也前下制度未幾後稍不行雖或吏不奉法良由慢起京師今陛下素簡所安發自聖性誠令斯事一竟則四海誦德

聲薰天地神明可通况於行令乎太后深納之按太后明帝之后馬援之女章帝建初四年有司請封諸舅馬廖等太后不許乃受爵而辭位。

未嘗改官

馬太后兄弟終明帝世未嘗改官章帝即位以馬廖為衛尉防為中郎將光為越騎校尉

頗能薦士

東漢和帝鄧后乃禹子訓女大將軍騭之妹也騭在位頗能推進賢士薦何熙李郃列於朝廷又辟弘農楊震巴蜀陳禪等置之幕府

兩家不過九卿

東觀漢紀光武傷前代權臣太盛外戚與政故后族陰郭之家不過九卿親屬榮位不能及許史王氏之半

諸舅悉封列侯

漢成帝河平二年悉封諸舅為列侯王譚為平阿侯商為成都侯立為紅陽侯根為曲陽侯逢時為高平侯五人同日封故世謂五侯

築渭陽館

世說東漢明帝為外祖築館情鍾舅氏問左右館當何名侍中繆襲曰陛下聖恩齊於哲王固極過於曾閔此館之興宜以渭陽為名

奪沁水園

東漢竇憲恃宮掖之勢以賤直請奪沁水公主田園發覺章帝切責曰貴主尚見枉奪况小民哉國家棄憲如孤雛腐鼠耳憲大懼皇后為毀服深謝良久乃得解

書戒竇憲

東漢竇憲以侍中內幹機密出宣詔命弟篤景瓌皆在親要崔駰以書戒憲曰昔馮野王稱為賢臣近陰衛尉克已復禮終受多福外戚所以獲譏於時垂愆於後者蓋在滿而不挹位有餘而仁不足漢與外家二十保族全身四人而已

箴諷梁冀

東漢崔琦以文章新梁冀請與之交崔以其行多不軌數

引古今成敗以戒之。冀不聽，乃作外戚箴以風之。冀怒，琦曰：「管仲樂聞幾諫之言，蕭何乃設書過之吏，將軍不能納，貞良以救禍敗，反欲掛士口，赦主聰，使鹿馬易形乎？」冀殺之。

戒子當善終

東漢樊宏，世祖之舅，嘗戒其子曰：「富貴易盈，未有能善終者。前世貴戚，皆明戒也。」

論人當知足

東漢光武建武九年，封陰貴人弟就為宣恩侯，復召就兄侍中興欲封之，置印綬於前，興固讓曰：「臣未有先登陷陣之功，而一家數人並蒙爵土，令天下觖望，誠所不願。」帝嘉

之，不奪其志。貴人問其故，興曰：「外戚家苦不知謙退，嫁女欲配侯王，娶婦眄睨公主，愚心實不安也。富貴有極，人當知足。貴人感其言，卒不為宗親求位。」

不語國事

光武建武十七年，廢皇后郭氏，立貴人陰氏為皇后。十九年，廢皇太子彊為東海王，立東海王陽為太子，改名莊。以太子舅陰識守執金吾，陰興為衛尉，皆輔導太子。識性忠厚，入雖極言正議，及與賓客語，未嘗及國事。帝敬重之。興雖禮賢好施，而門無游俠。帝欲以興為司徒，興固讓曰：「臣不敢惜身，誠虧損盛德，不敢苟冒。」帝遂聽之。按太子莊，是為明帝。陰氏即陰麗華，是為光烈皇后。明帝，陰后之子。陰

識光烈皇后之兄其先出管仲七世孫修自齊適楚為陰
顯音同大夫因而氏焉明帝即位以興子慶為鮦陽侯

竝典禁兵

東漢安帝以耿貴人兄寶監羽林車騎閭后兄弟竝典禁
兵尚書翟酺上書曰昔鄧竇之寵傾動四方兼官重綬盈
金積貨及其破環頭顱墮地願為孤豚豈可得哉

不與雲臺

漢馬援女為明帝皇后永平中帝思中興功臣畫建武中
名臣列將於南宮雲臺援以椒房之親不得與焉

隱居少室

唐武攸緒則天姪也恬澹豪欲日以周易及老莊書以自

娛隱居龍門少室間冬蔽茅椒夏居石室晚年肌肉充潤
瞳有紫光晝能見星

遙執朝權

晉成帝咸和中庾亮都督江荆等州軍事是時亮雖居外
鎮而遙執朝權擁強兵趣勢者多歸之王導內不能平嘗
遇西風塵起舉扇自蔽徐曰元規塵汚人按亮晉明帝庾
后之兄成帝之母舅

多變先制

南北朝魏孝文帝追尊皇妣高氏為文昭皇后配享高祖
封后兄肇為平原公數日之間官貴赫奕後貴嬪高氏立
為后肇益貴重用事多變更先朝舊制削封秩黜勳人怨

聲盈路。羣臣宗室皆卑下之。

不籍女寵

齊左丞相咸陽王斛律金門中。一皇后。二太子妃。三公王。每朝見。嘗聽乘步挽車至階。或以羊車迎之。然金不以為喜。嘗謂其子大將軍光曰。我雖不讀書。聞古來外戚鮮有能保其族者。我家直以勲勞致富貴。何以藉女寵也。

不受妾封

唐宣宗舅鄭光鎮河中。上封其妾為夫人。不受。表辭曰。白屋同愁。已失鳳鳴之侶。朱門自樂。難容烏合之人。上笑曰。誰教阿舅作此好事。

七族六姓

晉庾亮表注。西京七族皆后黨。呂竇衛官霍許王是也。東京六姓亦后黨。鄧馬竇閻梁何是也。

十妃三后

竇氏自唐武德以來。尚主者八人。女為王妃者十人。竇威曰。臣家在漢。再為外戚。至元魏。有三皇后。今陛下龍興。臣復以姻戚進。夙夜懼不克任。帝曰。公以三后族夸我耶。關東人與崔盧婚者。猶自矜大。公世為帝戚。不亦貴乎。

繁漢宜周

燕集云。軒冕王官。同許史之繁。漢婚姻帝室。比姜媼之宜。周又云。流車躍馬。豈無甲觀之親。秋宅閉門。不有椒房之勢。

定申褒紀

唐穆宗即位追贈郭太后父曖為太傅詔曰肆予小子敬續大業未展定申之命敢緣褒紀之恩按憲宗初為廣陵王以郭子儀子曖女為妃及即位羣臣累請立為后上以妃宗門強盛恐後宮莫得進御託為歲時禁忌不許至穆宗時始尊為皇太后

褚裒辭侍中

晉成帝立皇后褚氏徵后父豫章太守裒為侍中裒不願居中任事除江州刺史鎮半洲

馮熙為太保

南北朝魏文帝時馮熙以太后兄尚公主生三女二為皇

命燕留後

王繼勳宋太祖孝明皇后弟也命燕兩使留後按太祖元配賀氏早卒繼立王氏又殂復立宋氏

求為舍人

長編宋慶曆六年李璋為閣門副使弟珣求為通事舍人上曰戚里之家兄弟遷補皆如已欲朕何以待勳舊乎

恐騰物議

宋李沆為宰相石保吉求為使相仁宗以問公公曰保吉因緣戚里無攻戰之勞台席之拜恐騰物議遂寢其事

但詣拜箋

宋李繼隆在真宗朝以元舅之親恩禮甚篤明德太后寢疾欲面見之上促其往繼隆但詣萬安門拜箋終不見又常命諸王詣第謁繼隆繼隆不設湯茗第假王府從行茶爐烹飲焉史稱其多智用能謙謹保身

恩推曹佾

宋治平元年加宣徽北院節度使曹佾同平章事初詣除拜上問韓琦琦曰陛下推恩元舅非私外戚也遂降制

第賜杲宗

宋丁晉公起甲第鉅麗無比軍卒楊杲宗躬負土之後勞苦萬狀後杲宗以外戚起家晉公得罪貶海上朝廷以其

第賜杲宗居之

不冒恩澤

宋景祐元年曹琮為衛州團練使琮女兄為后奏曰陛下以至公理天下臣備位后族不宜冒恩澤亂朝廷法族人敢因緣請託願實於理

常遠權利

長編宋王貽永尚真宗女鄭國公主以樞密使同平章事數以疾求罷自祖宗以來未有外姻輔政者貽永在樞密十五年常遠權利歸第則杜門謝賓客人稱其廉靜

浸見親幸

宋壽皇崩太皇太后詔嘉王擴成服即位立皇后韓氏后

琦六世孫。父曰同卿。韓侂胄則其季父也。侂胄欲推定策功。樞密使趙汝愚曰。吾宗臣也。汝外戚也。何可以言功。惟爪牙之臣。則當推賞。乃加殿前都指揮使郭杲武康節度使。但遷侂胄防禦使。侂胄大失望。然以傳導詔旨。浸見親幸。時時乘間竊弄威福。按嘉王擴光宗之子。是為寧宗。

日事燕游

宋理宗端平元年。以賈妃弟似道為藉田令。似道涉之子。少落魄為游博。不事操行。帝以貴妃故。累擢藉田令。恃寵不檢。日縱游諸妓家。至夜。即燕游湖上。不返。帝嘗憑高望西湖中。燈火異常。特語左右曰。此必似道也。明日詢之。果然。使京尹史巖之戒之。

○駙馬

漢武帝初置駙馬都尉。掌御馬。始有駙馬之名。歷兩漢多宗室及外戚與諸公子孫任之。至魏何晏大將軍何進孫。以主壻拜駙馬都尉。晉杜預尚宣帝女高陸公主。王濟尚文帝女常山公主。傅宣尚武帝女弘農公主。桓溫尚元帝女南康公主。荀羨尚元帝女潯陽公主。劉慎尚明帝女廬陵公主。皆拜駙馬都尉。後代凡尚公主者。皆從魏晉之制。

張敖執禮

史記敖嗣父耳為趙王。尚高祖長女魯元公主。後上從平城過趙。趙王朝夕袒講蔽。自上食。體甚卑。有子壻禮。

講音溝

城過趙

趙王朝夕袒講蔽

自上食

體甚卑

有子壻禮

郭曖肆言

唐郭子儀子曖尚代宗女昇平公主嘗與爭言曖曰汝倚乃父為天子耶我父薄天子而不為公主恚奔車奏之上曰非汝所知天下豈汝家有耶慰諭令歸子儀聞之因曖入待罪上曰不癡不聾不為家翁兒女子閨房之言何足聽也子儀歸杖曖數十按曖子儀第六子

梁松貴重

東漢馬援傳梁松字伯孫帝婿也貴重朝廷公卿以下莫不憚之

何晏姿儀

魚豢魏略何晏字平叔以主婿拜駙馬都尉美姿儀面絕

白魏帝疑其傅粉

兄弟尚主

東漢竇固字孟孫以尚溫陽公主為黃門侍郎好覽書傳喜兵法貴顯用事襲世父融爵封顯親侯顯宗時欲擊匈奴通西域以固明習邊事拜奉車都尉在邊數年人服其恩按竇融年老子孫多縱誕不法長子穆尚內黃公主後以坐事下獄死故固得襲融爵

父子尚主

唐薛瓘與子紹瓘堂姪倣與倣子繡竝尚公主一門四主

楊喬固讓

東漢楊喬為尚書數上書言政事桓帝愛其才貌詔妻以

山堂集考 卷四十一 公主喬固讓不聽遂閉口不食七日而死

宋弘不諧

漢光武姊湖陽公主新寡帝與共論羣臣微觀其意主曰宋公威容德器羣臣莫及帝曰方且圖之後弘被引見帝令姊在屏風後因謂弘曰諺云富易交貴易妻人情乎弘曰臣聞貧賤之交不可忘糟糠之妻不下堂帝顧謂主曰事不諧矣

異穴

東漢劉昶尚武邑公主主薨更尚建興公主又薨更尚平陽長公主及昶終與三公主同塋異穴

同輿

魏收後魏書馮誕字子正與高祖同歲幼侍書學特蒙親待尚高祖妹樂安公主拜駙馬都尉高祖寵誕同輿而載同案而食同席而坐臥

引升御榻

唐蕭嵩子衡尚新昌公主嵩妻入謁呼為親家帝或引衡升御榻呼為蕭郎

佯與佩刀

唐薛萬徹尚丹陽公主太宗嘗謂人曰薛駙馬村氣主羞之不與同席數月帝聞而大笑置酒召對握槊賭所佩刀帝佯為不勝解刀以佩之罷酒主悅甚薛未及就馬遽召同載而還重之逾於舊

對置幕府

唐高祖女平陽公主下嫁柴紹初高祖兵興主與紹發家
貲招南山亡命得數百人以應帝威鎮關中後引兵與秦
王會於渭北紹與主對置幕府分定京師號娘子軍

雙列門戟

蕭銳尚唐太宗女襄城公主雙列門戟

陸昕雅望

魏收後漢書陸昕風望端雅尚獻帝女常山公主拜駙馬
都尉

武子俊才

唐蕭實公主碑叔高以明經顯於漢武子以俊才聞於晉

符歡叶契

唐中宗賜駙馬封制分榮戚里籍寵皇朝恭肅著於立身
恪勤效於從政鳳皇樓上死符琴瑟之歡烏鵲橋前載叶
松蘿之契

懾氣斂威

宋虞通之為江敷讓尚公主表曰王敦懾氣桓溫斂威真
長伴愚以固辭子敬奔走以求免

遠遁長沙

荀氏家傳荀羨字令則年十五擬國婚之選羨不欲連姻
帝室乃遠遁長沙監司追尋不獲已遂尚晉元帝女潯陽
公主

出知衛州

宋司馬溫公行狀。李瑋尚克國公主。主以驕恣聞。不安於李氏。詔瑋出知衛州。公主入居禁中。而瑋母楊歸其兄璋。散遣其家人。溫公言。陛下追念母家。使瑋尚公主。今乃母子離析。家事流落。陛下獨無雨露之恩。悽惻之心乎。瑋既責降。公主亦不得無罪。上感悟。詔公主降封祈國。待李氏恩禮不衰。

宮集四十一卷終

山堂肆考臣職第四十二卷

○三公

歷代沿革。太師太傅太保。古官也。自周成王立太師太傅太保為三公。少師少傅少保為三孤。以貳之。始有定制。周禮有六卿。無三公。周公以冢宰兼太師。則三公止為兼官。而未嘗有專職。秦不師古。以丞相御史大夫太尉為三公。漢襲秦舊。至哀平間。以太司馬大司徒大司空為三公。復置太師太傅太保。始尊師傅位。在三公上。謂之上公。後漢魏晉江左俱因之。後周依周禮。改為三公。隋氏又為三師。李唐因之。宋初無所改。政和二年。詔云。古無

三師之稱。合依三代為三公。官不必備。惟其人為真相之任。若降三公。即為宰相。靖康末。詔依元豐故事。以僕射為宰相。三官止為階官。不復與三省之政。大元依漢唐舊制。以太師太傅太保為三師。太尉司徒司空為三公。

經邦

周書。茲惟三公。論道經邦。燮理陰陽。官不必備。惟其人。

平國

唐百官志。三公佐天子。平邦國。理陰陽。無所不統。

具瞻

詩小雅。維石巖巖。赫赫師尹。民具爾瞻。晉荀勗曰。一公具

瞻所歸。不可用非其人。

參聽

禮王制。大司寇以獄之成告於王。王命三公參聽之。三公以獄之成告於王。王三宥。然後制刑。

八命

春官典命。上之三公八命。及其出封。皆加一等。又禮王制。制三公。一命卷。若有加。則賜也。不遇九命。注云。制者。言三公命服之制也。命數止於九。天子之三公八命。著鷩冕。若

鷩音敝

加一命。則為上公。與王者之後同。而著衮冕。故云。一命卷。若為三公。而有加衮者。是出於特恩之賜。非例當然。故云。若有加。則賜也。人臣無過九命者。唐楊巨源詩。道協陶鈞。

力恩回日月光。一言歸社稷。九命備圭璋。

三階

漢東方朔對武帝曰。願陳泰階六符。應邵注。泰階六符。經泰階者。天之三階也。上階為天子。中階為諸侯。下階為士。庶人。中階上星為諸侯三公。下星為卿大夫。三階平。則陰陽和。風雨時。天下大安。

法三光

韓非子曰。三公象鼎足也。數三者。法三光也。

調七政

漢天文志。杓南三星。及魁第一星。西三星。皆曰三公。主宣德化。調七政。和陰陽之官也。

備員

東漢光武雖置三公。事歸臺閣。三公之職。備員而已。

奉職

東漢章帝永平六年。王雒山出寶鼎。詔曰。易曰。鼎象三公。豈公卿奉職得理耶。其賜三公帛。

衮衣繡裳

詩豳風。我覲之子。衮衣繡裳。注云。王迎周公。當以上公之服往見之。

金章紫綬

齊職儀。三師品第一。金章紫綬。進賢三梁冠。絳朝服。又春官宗伯。以王作六端。以等邦國。王執鎮圭。公執桓圭。侯執

信言申信圭伯執躬圭子執穀璧而執蒲璧按圭制下方上員取象天地內有孔謂之好好有玉謂之肉肉倍好為璧好倍肉為環。

王者下輿

東漢安帝朝陳忠上疏曰三公稱曰冢宰王者改容而禮在輿為下御坐為起入則參對而議政事出則監察而量是非。

中書讀策

唐張延賞奏故事冊拜三公中書令讀策侍中奉禮如闕即以宰相攝之。

調訓五品

東漢陳忠薦劉愷曰三公者上則台階下象山岳股肱元首鼎足居職協和陰陽調訓五品。

師範一人

齊職儀三師者師範一人儀刑四海冠冕百辟從容論道自非勲崇德重無以居之。

責吏事

漢光武方以吏事責三公故功臣不用注云太尉公掌四方兵事司徒公掌人民孝悌謙讓事司空公掌水土營城邑浚溝洫修墳坊事此所謂吏事責三公也。

舉謠言

東漢蔡邕上疏五年制書令三公舉謠言是時奉公者欣

然得志。又漢官儀三公聽察長吏減否。人所疾苦條奏之。是為舉謬言也。

飾詐

漢汲黯曰。公孫弘位三公。俸祿甚多。然為布被。此詐也。上問弘。弘謝曰。有之。夫以三公為布被。誠飭詐以釣名。

糾非

東漢章帝詔。春秋之義。以賢禮賤。自今三公。並宜明糾非法。宣振國威。

大儒

荀子儒效篇。大儒故天子三公也。又君道篇。上賢使之為三公。

元老

王隱晉書。王祥拜太保。制曰。耆父元老。高行清粹。朕所毗倚。以崇道弘化。

道問喘牛

漢丙吉出逢羣鬪者。外傷橫道。吉過之不問。前逢人逐牛。牛喘吐舌。使騎問逐牛行幾里矣。掾吏謂前後失問。吉曰。民鬪傷京兆尹。職當禁捕。宰相不親小事。非當於道路問也。方春牛喘。此時氣節。恐有所傷。三公典調陰陽。職當憂是以問之。掾吏乃服。以吉為知大體。

門施行馬

漢魏三公。門施行馬。注云。禮掌舍。設柵桓。杜子春云。柵桓。

柵桓音
陸護

行馬也。所以斷人出入。桓者交互其木以為遮闌也。魏以楊彪為光祿大夫。又令門施行馬以優崇之。

楊震四世

漢弘農楊寶生震。震生秉。秉生賜。賜生彪。四世為三公。又袁宏至紹。四世五公。

趙熹三葉

東觀漢記。詔曰。行太尉事趙熹。三葉在位。為國元老。其以熹為太傅。熹時年八十。繼母在堂。口不言老。

名冠天下

漢光武即位。詔前密令卓茂名冠天下。當受重賞。今以茂為太傅。封褒德侯。賜几杖車馬。

志清本朝

東漢靈帝以陳蕃為太傅。與胡廣參錄尚書事。志欲芟夷。隴宦以清本朝。

秩稱萬石

百官表。漢制三公號稱萬石。又六典注。梁制十八班。班尊者為尊。上公班第十八。秩萬石。

府有三門

隋百官志。三公府三門。當中開黃閣。設內屏。職官分紀。陳舊制。三公黃閣廳事。置鴟尾。後主時。蕭摩訶以功授侍中。驃騎大將軍。特詔摩訶開閣。門施行馬。聽事寢堂。並置鴟尾。

道術通明

漢官儀太師孔光道術通明且居四輔訓導帝躬。

事體練達

東漢胡廣為太傅年八十四練達事體明解朝章雖無蹇直之風屢有補闕之益在公台二十餘年禮任甚優一復司空再作司徒三登太尉又為太傅其所辟命皆天下之士與故吏陳蕃李咸並為三司蕃等每朝命嘗稱疾以遜廣。

履行高潔

晉鄭冲抗表致仕詔曰太傅韜德深遠履行高潔可謂朝之雋老屢以年高告退宜聽其所執以壽光公就第几林

不朝

接物謙抑

宋文彥博位將相者五十餘年徧歷公孤兩以太師致仕雖位貌隆重而平居接物謙抑尊德樂善如恐不及

贈佩刀

晉王祥徐州刺史呂虔辟為別駕虔有佩刀相者以為三公可服此刀虔以祥有台輔之望故相贈後祥果為太保祥臨薨以刀授弟覽曰汝後必興足稱此刀覽後歷世多賢才興於江左。

賜几杖

南史宋廢帝加沈慶之几杖給三望車慶之每朝賀乘犢

鼻無幘車。履行田園。無人從行。遇之者不知為三公也。慶之嘗曰。我每游復田園。有人時與馬成。三無人時與馬成。二今乘此車。安所之手。及所賜几杖。竝固讓不受。

名應圖錄

漢光武尤信讖言。以王梁孫成。名應圖錄。越登槐鼎之任。

職典天地

晉魏瓘奏。三公職典天地。宗掌人物國之大事。取義於此。

父子同居

晉司馬望。安平王字之長子。咸熙中位司徒。入晉封義陽王。遷太傅。兼太司馬。時孚已為太宰。父子同居。上公位百代以來未之有也。

兄弟竝登

三十國春秋。下粹以清辨聞於時。兄弟六人。竝登三公。世稱六龍。

黑頭三公

晉諸葛恢為臨沂令。名亞王導。庾亮謂曰。明府當作黑頭三公。

折臂三公

見墳墓。

落水三公

南史宋司徒褚淵。因送湖州刺史王僧虔。閣道壞。墜水。僕射王儉驚跳下車。謝超宗恃才使氣。多凌忽。撫掌大笑曰。

落水三公。隋車僕射淵出水沾濕狼藉。超宗先在僧虔舫中。大聲曰：「有天道焉，有地道焉，天所不容，地所不受，投畀河伯，河伯不受，淵大怒曰：『寒士不遜。』」超宗曰：「我不賣袁劉得富貴，焉能免寒士。」

平世三公

南宋蔡廓，字子度。宋武帝以其正直，補御史中丞。多所糾正。帝常云：「蔡廓可為平世三公。」

鍾繇膝疾

魏太傅鍾繇有膝疾，拜起不便。每朝見，使載車輿，虎賁舁上殿就坐。是後三公有疾，遂為故事。

陶侃手文

異苑：晉陶侃左手有文，直達中指，至橫文上節，便絕。占者以為此文若通，位無極。侃以針挑令徹，血流彈壁上，仍作公字，以紙裹之，公字愈明。

乘輿上殿

晉何曾為太傅，乞遜位，詔令每朝會，劍履乘輿上殿。如漢相國蕭何、魏太傅鍾繇故事。

乘馬出遊

晉王戎位雖總鼎司，而委事僚采，間乘小馬，從便門出遊。見者不知其為三公也。

開德宣符

晉天文志：天文上三臺六星，兩兩而居。起文昌，抵太微，一

曰天柱三公之位也。在人曰三公，在天曰三臺。開德宣符也。

昭德塞違

晉天文志：三台六星，西近文昌二星，曰上台，為司命；次二星，曰中台，為司中；東二星，曰下台，為司祿。所以昭德塞違也。又周禮：太宗伯疏，上台司命，中台司中，為司徒；下台司祿，為司空。故後漢郎顛傳：三公上應台階，下同元首。

聞車馬聲

晉魏舒未達時，詣野王止宿。王人妻夜產，俄而聞車馬之聲，相問寢者誰，曰：魏公。舒自知當為公矣。其後果為司徒。

備金石樂

晉成帝臨軒遣使拜太傅太尉司徒儀注，大樂宿懸於殿庭門下，奏非祭祀宴享，則無設樂之制。太常蔡謨議曰：凡敬其事，則備其禮，禮備則有樂。今大拜輔相，臨軒遣使，宜有金石之樂從之。

咨大事

職官分紀：魏初三公無事，希預朝政。高柔上疏曰：古者刑政有疑，輒議於槐棘之下。自今以後，朝有疑議及刑獄大事，宜數以咨訪三公。三公朝朔望之日，可特延入講論得失。文帝嘉納焉。

設小會

格音閣

分紀前代三公策拜皆設小會。所以崇宰輔之制。自魏末以後廢格不行。至石鑒拜司徒。有詔令設會。遂以為常。

多有諫諍

東漢鄧彪在位清白。為百僚式。和帝即位。拜太傅。多有諫諍。

不理威儀

逯奚武賤時。好華飭。及居太傅。不理威儀。行常單馬。門不施戟。常畫掩一扇。或謂公位冠羣后。功名蓋代。出入儀衛。不稱具瞻。何輕率如是。武曰。天下未平。恩德未報。安所事威儀乎。言者慙而退。

食不兼味

長孫道生拜司空加侍中。性忠厚。廡謹。衣不華飾。食不兼味。一熊皮障泥。十年不易。時人比之晏嬰。

飯惟脫粟

漢紀荀爽為三公。食不過一肉。脫粟飯。

明允篤誠

晉起居注。太保衛瓘。明允篤誠。有匪躬之志。其給千兵騎百人。

康寧福壽

宋張齊賢四踐兩府。九居八座。以三公就第。康寧福壽。世罕其比。

夢松

吳嗣主傳注。丁固夢松生腹上。謂人曰。松字。十八公也。後十八歲。吾其為公乎。卒如夢焉。

植槐

宋王文正公旦。沉默好學。父祐器之。常曰。此兒異日必為三公。因手植三槐於庭。以為識。

尊寵如賓

東漢明帝以鄧禹先帝元勳。拜為太傅。每進見。必令東向。注云。臣當北面。尊之如賓。故令東向。

閑退謝客

宋紹興十一年。韓世忠以太傅奉朝請。秦檜方主和議。世忠乃求閑退。杜門謝客。

詔給帷服

東漢張禹拜太傅。錄尚書事。劉蒼以殤帝幼冲。欲令重臣居禁內。乃詔禹舍宮中。給帷帳牀褥。太官朝夕進食。五日歸府。每朝贊與三公絕席。

齋賜器幣

會要。宋淳化二年。帝遣右正言張康齋太師趙普生辰器幣鞍馬。就西京賜之。故事。非同平章。無生辰國信之例。上以普勳舊。故特異其禮。

兼領六卿

洪容齋隨筆。周成王之立三公。而云不必備。惟其人。以書傳攷之。皆兼領六卿。未嘗特置也。

坐見廢僚

事略宋元豐中文彥博除太尉判河南彥博至河南未交印先就第坐以見監司既交府事見監司府官如常式或以問彥博答曰吾未視府事三公見廢僚也既交印河南尹見監司矣

天子禮貌

漢賈誼傳三公之貴皆天子之所以改容而禮貌之者也天子師法

唐百官志三師天子所師法無所總職

○三孤

歷代沿革尚書周官少師少傅少保曰三孤秦漢

而下省之後周置三孤以貳三公宋初沿唐制置

三師以太尉司徒司空為三公元豐肇新官制於

三公無所改政和二年詔司徒司空周六卿之官

太尉素主兵之任非三公也並罷之依周制立三

孤乃次輔之位或稱為次相之位

受器

周禮春官以九儀之命正邦國之位四命受器注云王之大夫公之孤三命以下祭器不備假而用之至是始受祭器

張幕

周禮天官掌次掌王次之法以待張事孤卿有邦事則張

山堂集卷四十二卷
幕設案注云三公九卿將受命出使於四方張幕於庭所以藉幣設案為位王立於前而受之命焉

四命

周禮春官典命公之孤四命以皮帛眡小國之君其卿三命其大夫再命其士一命

特揖

夏官司士正朝儀之位辨其貴賤之等孤卿特揖大夫以其等旅揖士旁三揖王還揖門左揖門右通典孤特也言其卑於公尊於卿特置此三者故云

執皮帛

太宗伯以禽作六摯以等諸臣孤執皮帛卿執羔大夫執

鴈士執雉房人執鶩工商執雞注云孤特立無朋也皮虎豹皮帛如金璧色繒也

亮天地

周書少師少傅少保曰三孤貳公弘化寅亮天地

三耦射

夏官射人以射法治射儀王以六耦射三侯三獲二容樂以騶虞九節五正諸侯以四耦射二侯二獲二容樂以狸首七節三正孤卿大夫以三耦射一侯一獲一容樂以采蘋五節二正士以三耦射豳侯一獲一容樂以采芣五節二正若王大射則以狸步張三侯

九棘位

周禮秋官朝士掌外朝之法左九棘孤卿大夫位焉羣士在其後右九棘公侯伯子男位焉羣吏在其後面三槐三公位焉州長衆庶在其後注云棘之為物其心赤槐之為物其華實黃忠赤誠實所以盡臣節也

正四方

周書微子若曰父師少師殷其弗或亂正四方注云父師太師三公箕子也少師孤卿比干也弗或亂正四方者言紂無道無望其能治正天下也蓋微子痛殷之將亡謀于箕子比干史錄其語如此

答諸侯

漢百官志注天子燕業反其學左右之習詭其師答諸侯

遇大臣不知文雅之詞簡聞小誦不博習此少師之責也天子居處出入不以禮衣冠冠帶不以制御器列側不以度采服從好不以章忿悅不以義予奪不以節此少傅之責也天子居處燕私安而易樂而耽飲食不時醉飽不節寢起早晏無常玩好器弄無制此少保之責也

以節度使除

會要宋紹興五年以威德軍節度使開封儀同三司克淮東宣撫使韓世忠除少保六年以兩鎮使相江東宣撫使張俊除少保九年六月以定國軍節度使岳飛除少保十二年以保成軍節度使開府楊存中除少保又紹興六年以少保節度使張俊除少傅七年以少保節度使楊存中

除少傅。三十一年以少保四川宣撫使吳璘除少傅。紹興九年以節度使韓世忠除少師。十年以少傅節度使張俊除少師。二十八年以少傅節度使楊存中除少師。

以樞密使授

會要。紹興三十年。孝宗卽位。張浚以樞密使都督江淮軍馬。特授少傅。封魏國公。

